

حزیرہ عبدالہ

۵ کانون ثانی ۱۳۲۷

پنجشنبہ

۲۸ محرم ۱۳۳۰

نومرو ۵۱

ایکینجی سنہ

قائمہ سرکاری

نوبہرات عبدالہ

یوزغاد استیناف محکمہ سی مدعی عمومیلکنہ کوتاہیہ استیناف محکمہ سی مدعی عمومیسوی اولوب تحویل
ایجاب ایدن جودت ، آنک یرینه یوزغاد استیناف محکمہ سی مدعی عمومیسوی جواد، منحل اولان آیدین ولایتی
استیناف محکمہ سی مدعی عمومی معاونلکنہ چتالجه سنجانی بدایت محکمہ سی مدعی عمومی معاونی اولوب
تحویل طلبنده اولان فائق کال، خسته بولنان ایلبسان سنجانی بدایت محکمہ سی مدعی عمومی معاونی شا کر
افندیکن کسب افاق ایتدیکی حالده بشقه برحله تعیین اولنق اوزره عزلیله یرینه پره پول قضاسی بدایت
محکمہ سی جزا دائره سی رئیس سلیمان فائق، آنک یرینه یکجه واردار قضاسی بدایت محکمہ سی مدعی عمومی
معاونی بکر سامی ، آنک یرینه قونیہ مکتب حقوقندن علی الاعلی درجه ده مآذون احمد فیضی، یکجه واردار
قضاسی بدایت محکمہ سی جزا دائره سی رئیس محمد فهمی افندیکن استعفا سینه مبنی یرینه بازار کوی قضاسی
بدایت محکمہ سی رئیس اولوب تحویل طلبنده بولنان فرید افندیلر، آنک یرینه قواله قضاسی بدایت محکمہ سی
مدعی عمومی معاونی صبری بک ، آنک یرینه مکتب حقوق عثمانی علی الاعلی درجه مآذونلندن مصطفی

خیری، آیدین ولایتی استیناف محکمه‌سی اعضا ملازمی استاورا کی افندیك استعفا سنه مبنی یرینه کونا هیه سنجانی بدایت محکمه‌سی اعضا سندن اولوب تحویل طلبنده اولان قسطنطین، آنک یرینه اشقودره بدایت محکمه‌سی اعضا سندن مأموریتك الفاسی حسبله آچقده قالان خرسو، منحل اولان صور قضای بدایت محکمه‌سی مدعی عمومی معاونلککنه مکتب حقوق عثمانی اعلی درجه مأذونلرندن عبدالغنی، كذلك منحل اولان قره حصار صاحب سنجانی بدایت محکمه‌سی اعضا سنه مکتب حقوق عثمانی علی الاعلی درجه مأذونلرندن چهاریان اسقرابار قضای بدایت محکمه‌سی مدعی عمومی معاونی یوسف حسام الدین افندیك استعفا سنه مبنی یرینه مکتب حقوق عثمانی اعلی درجه مأذونلرندن ارسلان نوری، عورتحصاری قضای بدایت محکمه‌سی مدعی عمومی معاونی محمد توفیق افندیك استعفا سی حسبله یرینه سلانیک مرکز بدایت محکمه‌سی حقوق دأره‌سی باشکاتب معاونی سلانیک مکتب حقوقندن اعلی درجه مأذون حسن ذکی، مجدداً تشکیل ایدیلان بولانیق قضای بدایت محکمه‌سی مدعی عمومی معاونلککنه مکتب حقوق عثمانی اعلی درجه مأذونلرندن توفیق، جبل غربی سنجانی بدایت محکمه‌سی رئیس مصطفی وصفی افندیك بلا مأذونیت ترك موقع مأموریت ایتسنه مبنی مستعفی عد اولنسی حسبله یرینه پلقه قضای بدایت محکمه‌سی جزا دأره‌سی رئیس عمر عونى افندیلر تعیین اولنمش و یوزغاد استیناف محکمه‌سی اعضا سندن علی رضا قونیه استیناف محکمه‌سی اعضا سندن بشیر افندیلرک بجایشلری اجرا قلمشدر.

اشبو اراده سنیه نك اجراسنه عدلیه نظارتی مأموردرد.

۱۱ محرم سنه ۱۳۳۰ و ۱۹ کانون اول سنه ۳۲۷

محمد رشاد

عدلیه ناظری صدراعظم

ممدوح

نفسه و تحویل

سوریه ولایتی مرکز بدایت محکمه‌سی ایکنجی مستطلقلککنه محکمه مذ کوره اوچنجی مستطقی شاگر، آنک یرینه سلط قضای بدایت محکمه‌سی مستطقی صادق افندیلر نقل و تعیین اولنمشدر. منتشا سنجانی بدایت محکمه‌سی اجرا مأمورلغنه محکمه مذ کوره اعضا ملازمی امین، اشبو اعضا ملازملککنه ضبط کتبه سندن جمال، آنک یرینه میلاس قضای بدایت محکمه‌سی ضبط کاتبی یعقوب، اشبو

ضبط کتابتنه مکرری قضای مستطقی کاتبی صالح، مومی الیهک یرینه کویچکز قضای بدایت محکمه‌سی ایکنجی کاتبی بکر، مومی الیهک یرینه ده لوی مذ کور بدایت محکمه‌سی قلمی ملازملرندن عمر افندیلر. سیواس ولایتی اخلنده زاره قضای مستطقلککنه عزیزیه قضای بدایت محکمه‌سی اجرا مأموری عثمان عصمت، مومی الیهک یرینه محکمه مذ کوره مستطقی کاتبی حسنی، آنک یرینه مذ کور زاره قضای مقاولات محرری عثمان، اشبو مقاولات محررلککنه ولایت مذ کوره استیناف محکمه‌سی قلمی ملازملرندن عثمان عزیزی، الموجه قضای بدایت محکمه‌سی ایکنجی کتابتنه قره حصار شرقی سنجانی بدایت محکمه‌سی قلمی ملازملرندن رحمی افندیلر تعیین اولنمشدر.

آیدین ولایتی داخلنده سوکه قضای بدایت محکمه‌سی مستطقلککنه کسندره قضای مستطقلککندن مستعفی خلوصی افندی.

یانیه ولایتی داخلنده اسقرابار قضای بدایت محکمه‌سی اعضا سنه برات سنجانی بدایت محکمه‌سی اعضا ملازم سابق مختار، فیلات قضای بدایت محکمه‌سی اعضا سنه یانیه مکتب اعدادیسنده تحصیل کورمش اولان واسیلا کی غراماتیقوبولوس، مارغلیچ قضای بدایت محکمه‌سی اعضا سنه برات سنجانی دأره بلدیسی باش کاتب معاونی لئونیداقونا افندیلر تعیین اولنمشدر.

بتلیس ولایتی داخلنده ملازکرد قضای بدایت محکمه‌سی برنجی کاتبی قربان افندی ایله بولانیق قضای بدایت محکمه‌سی برنجی کاتبی حسنی افندیلرک بجایشلری اجرا و اخلاط قضای بدایت محکمه‌سی ضبط کتابتنه مرکز ولایت بدایت محکمه‌سی پیاده مباشری محمد افندی تعیین قلمشدر.

تبلغات عربه

عدلیه نظارت جلیله سندن تسطیر بیوربلان ۱۷ کانون اول سنه ۳۲۷ تاریخی تحریرات عمومی صورتیدر:

« دیوان حرب عرفیلردن مجازات جسمانییه دأر و یریلن حکملر حقنده شورای

دولت تنظیمات دأره‌سی مضبطه سنک ارسال ایدلیککنه دأر »

دیوان حرب عرفیلردن مجازات نقدیه دأر صادر اولان مقرراتک جهت عدلیه جه اجرایی لزومه دأر اولان شورای دولتك اولباده کی مضبطه سی ۲۴ تشرین ثانی سنه ۳۲۷ تاریخنده تعمیماً تبلیغ قلمش ایدی. مقام سائی صدارتدن بوکرده باتذکره ارسال بیوربلان شورای دولت تنظیمات دأره‌سی مضبطه سنده دیوان حرب عرفیلردن مجازات جسمانییه دأر و یریله جک حکملرک طوغریدن طوغری به حکمی و یرن

ديوان حربله عائد اوله جنى كوسترلش ومذ كور مضبطه صورتيله اشبو تخريراتك نسخ مطبوعه كافيه سى لفا ارسال قلمش اولغله اكا كوره ايفاي معامله اولمى . . .

* *

شوراي دولت تنظيمات دائره سنك بوابده كي ۷ ذى الحجه سنه ۱۳۹۱ و ۱۵۰۱ شيرين ناني سنه ۳۲۷ تاريخي مضبطه سى صورتيدر :

عدليه ومذاهب نظارتك شوراي دولته حواله بيوريلان ۱۸ شيرين اول سنه ۳۱۷ تاريخي و آلى يوز يكرى بش نومرولى تذ كره سى تنظيمات دائره سنده قرائت اولدى مذ كور تذ كره ده در سعادت ديوان حرب عريفيندن مجازات نقديه به متدائر صادر اولوب اعلامات نظاميه اجرا دائره سنجه برى تنفيذ ديوان مذ كور رياستندن نظارته كوندريلان اعلاماتك جهت عدليه جه افادى لازم كلوب كليه جكنك شوراي دولتيجه تدقيق ومذا كره ايتديريلرك نتيجه سنك انباسى حقه ده كي ۲۴ ايول سنه ۳۲۷ تاريخي و آلى يوز يدي نومرولى تذ كره به بر جواب ورود ايتديكي وتخديش اذهاني موجب شريانندن طولاي تعطيل اولنان سعادت غرت سنك مدير مسئولى احمد فتحي بن نوري بكك ۱۰ شيرين اول سنه ۳۲۷ تاريخندن اعتباراً اوچ ماه مدته حبسنه دائر ديوان حرب عريفندن صادر اولان مضبطه مقتضاسنك ايفاسى ضمتنده بوكره داخله نظارتندن باند كره نظارته كوندريلكي و ديوان حرب مذ كور دن مجازات جسمانيه به متعلق شمدي به قدر صادر اولان اعلامات طوغريدن طوغري به اورا جه اتفاذ ايتدير ايسه موسى اليه احمد فتحي بكك حبس جزاسيله محكوميتنى متضمن مضبطه نك جهت عدليه جه افادى تشوشى استلزام ايليه جكي بيمانيه كرك مجازات نقديه به كرك مجازات جسمانيه به متدائر ديوان حرب عريفندن صدور ايدن اعلاماتك جهت عدليه به اجرا سى لازم كلوب كليه جكنك بر صورت سريعه ده تدقيق ومذا كره سيله نتيجه سنك بر آن اول تبليغ واشعارى درميان قلمشدر .

اقتضاسى لى التامل در سعادت ديوان حرب عريفسنجه حاكم اولنان جزاي قدنيك صورت تحصيلي حقه ده نظارت مشار اليهارد وارد اولان تذ كره اوزرينه ديوان حربك منحصراً مقامنه قائم اولدينى محاكم عاديّه جزاييه وظيفه سيله مكلفتي اداره عرفيه قرارنامه سنك طقوزنجي ماده سنده مصرح بولمسنه نظر آديوان مذ كور دن جزاي نقدي به متدائر اوله رق صادر اوله جق مقررانك تنفيذى محاكم عاديّه جزاييه دن بويله جزاي نقدي حقه ده لاحق اولان احكامى اجرا وظيفه سيله مكلف بولنان اعلامات نظاميه اجرا دائره سنه عائد اوله جقنه دائر اتخاذا ايتديلن قرار ۲۹ ايول سنه ۳۲۷ تاريخنده بامضبطه عرض واشعار قلمش و ديوان حرب عريفندن مجازات جسمانيه حقه ده ويريله جك مقررآتى حاوى مضابط احكامنك صورت اجراسى ايسه طوغريدن طوغري به ديوان مذ كوره عائد مواددن بولمش اولغله او صورتله اجراى اقتضاسنك عدليه و حربيه نظارتلرينه تبليغي تذ كر قلندى .

عدليه نظارت جليله سندن تسطير بيوريلان ۱۷ كانون اول سنه ۳۲۷ تاريخي تخريرات عموميه صورتيدر :

جمع اعانات حقه ده كي تعليمات لايحه سنك مواعع تطبيق واجرايه وضعى خصوصيه شوراي دولت و مجلس مخصوص وكلا قرارلريله مقدا بالاسيذيان اراده سنه حضرت خلافتناهي شرفصدور بيورناش اولدينى و جمع اعاناتك رخصت رسميه استحصالنه تابعي حقه ده كي قيدك ممالك اجنيده بولنان بعض مؤسسات منفعتنه اعانه جعي خصوصيه ده شامل اولمى دركار اولوب مؤسسات اجنيده نامنه بلا رخصت اعانه درج ايدن اشخاص حقلرنده تعليماتنه مذ كورك اون سكزنجي ماده سنه توفيقاً تعقيبات قانونيه اجراسى لازم كله جكي بالخايه داخله نظارت جليله سندن آلنان تذ كره جوابيه ده اشعار اولمى ومذ كور تعليماتنه نظارت مشار اليهارد كوندريلان نسخ مطبوعه سندن مقدار كافيسى لفا ارسال قلمش اولغله عندالايحاب احكام مندرجه سنه تطبيق معامله اولمى توصيه اولنور .

عدليه نظارت جليله سندن تسطير بيوريلان ۲۱ كانون اول سنه ۳۲۷ تاريخي تخريرات عموميه صورتيدر :

« يكي كشاد ايتديلن بانقه شعبه لرليك رسماً طائمنه دائر »
حكومت سنيده دن بر كونه تخصيصات طلب ايتلمه مك اوزره عثمانلى باقه سى طرفندن معموره العزيز ، وان ، بتليس واشقودره ولايتلرنده بر شعبه تأسيسنه ابتدار ايتديلوب مذ كور ولايتلر اموال عموميه سندن خزينه جليله ايله دوائر مركزيه به واقع اوله جق اريالات نقديه نك اشبو شعبه لر واسطيله اجرا اولمى خصوصيه بالاسيذيان اراده سنه جناب پادشاهى شرفتملق بيورلدينى باند كره ساميه امر واشعار اولمى اوزرينه مذ كور شعبه لر رسماً طائيله رق مراسلات نقديه نك على الاصول بوشعبه لر واسطيله اجراسى ايچون دوائر مركزيه ايله بالعموم مأمورين ماليه ايفاي تبليغات اولندينى ماليه نظارت جليله سندن اشعار ايتلمش اولغله جهت عدليه جه ده اولوجهله اجراى ايچاي

جنات محكمى قبطنامى

« كچن نسخدن مابعد »

اخيراً اجراى محاكمه ايچون تعيين اولنان اوچيوز يكرى يدي سنه سى مارتنك اون بشنجي كوني متهمان مرقومان على الاصول حبسخانه عموميدن كتورديله رك ومدافعه و كيللرى حيدر رفعت بككه آيوشول افندينك

ورود ایتمیرینه مبنی اوراق دعوائی محکمه قلمنده مطالعه ایله مدافعهیه مهیا اولدینگی سویلیان محکمه نزدنده مستخدم دعوی وکیللرندن یوسف جمال افندی جمال نام دیگر جمیله وئون قوافیان دخی مظهره متهمان مرقومانک قبول و موافقتلرله وکیل مدافع بالتعین بنساء علیه مومی الیها ایله استیناف مدعی عمومیلکی معاونلرندن حامد بک موقع محصورلرنده حاضر اولدقلری حالده محاکمه سالوننه چیقیلهرق محاکمه علیه اجراسنه دوامله مدافعه وکیللرینه خطارات لازمه قانونیه ایفا اولندقدنصکره هیئتجه قسماً تبدل وقوعنه مبنی ضبط سابق قرائت ایدیلهرک سحت مندرجاتی طرفینجه تصدیق قلندی .

حقوق عمومیه شهوندن اولوب مملکتی اولان کسریهیه کیتمش اولسنه مبنی افاده سنک استنباه طریقله اخذ اولنسی ضمنده کوریجه بدایت محکمه سی جزا دائره سنه یازلمش بکرمی درت یاشنده سودجی پوستول بن ارکری حقنده کی تعلیماتنامه کسریهده آپوستول آرکیرناهیله برقاچ شخص یادایدلکده اولسنه بناء هانکی شخص مطلوب اولدینگی آ کلاشیله ماش اولدیغندن اوراده نه قبله تلقیب ایدلمش وزده اقامت ایدهرک بشقه نه صنعتله اشتغال ایتمش اولایغنک ومعلوم ایسه محله سیله سن وهویتنک بعدالتصریح بولنه بیله چکی بیانیه اعاده اولنسی اوزرینه لدی التحقیق مرقوم آپوستولک در سعاده بالورود غلطهده اسکی و یوودهده سودجی مارقونک دکاننده اقامت ایلدیکی آ کلاشیلدیغندن ایدیلان دعوته اتباعاً ورود ایتدیکی خبر ویرلمکله حضور محکمهیه چیقه ریلهرق لدی السؤل مملکتندن یقینهده عودت ایدوب الیوم بوشده بولندیغنی وشمذیلک باباسی ارکرینک غلطهده خندق یاشنده کائن یغوردجی دکاننده اقامت ایتدیکی و متهملری دکانه کلش اولدقلری جهته شخصاً طانیوب کندولرینه برکونه قرابت ومناسبت و خصوصتی اولدیغنی سویلمکله تعریفات قانونیه دائره سنده امر تحلیفی بعدالاجرامواجهه استماع اولندقدن اوچوز بکرمی درت سنه سی رمضانی طرفنده برکیجه ساعت بریقچی ایکی راده لرنده متهملردن مظهر دکاننه بالورود برطاوق کوکی یدکدنصکره باردچانطه سی ضایع ایتدیگندن و آره به پاره سیده لازم اولدیغندن بخله سویلمکله باشلا دیغندن کندوسیده بوجهانک کندوسنه عائد اولدینگی جوانی ویرمسی اوزرینه متهم مرقوم مظهرک چرکسملرک استعمال ایلدیکی برکوش قوشاق چیقاروب [بکا برمجیده ویر یارین طاوق کوکی پاره سیله مجیدیه یی کتوروب قوشاخی آلیم] دیدیکی و کندوسیده مذکور قوشاخی آلهرق مجیدیه یی ویردیکی وبالاخره بریسی کلوب مذکور قوشاخی طلب ایتش ایسهده سندن آلامد دیهرک ویرمایوب اخیراً حکمت کلوب ویردیسی اوزرینه ویردیکی و آنک الننده برسیویل مأموری آلدینگی افاده مضبوطه سی وجهله اخبار و عندالاستفسار قوشاغک کیمک اولدینگی بیلمادیکی وشهادتنک حضور محکمهده کی متهملردن مظهره عائد اولدینگی تذکار ایلدی .

بو شاهدک ذات وشهادتنه قارشو نه دیه چکی صوریلان متهملردن مظهر قوشمهغه باشلایان اهالی به باقدیغنده خرسز وارد دیهرک سلاح آتیلدینگی واوراده برکیمسه بولوب شاهد مرقومه برادینگی و آنیلان سلاخلردن یاره لندیگی جهته آراه ایله کیتدیکی وشاهدک افاده سی طوغری اولدینگی بیان ایلدی .

شاهد آپوستول دن عندالاستیضاح متهم مرقومک مجروح ایدوکنک فرقنده اولدیغنی و مرقومک آره به به

را کبا کیتدیکی افاده و متهم مظهر دخی مجروح اولدینگی کندوسی دخی آ کلامیوب بالاخره بونک دکاننده واقف اولدینگی حکایه ایلدیلر .

دیگر شاهد محمد بن مصطفی ویرام بن عثمان حقنده قرارسابق وجهله یازیلان مذکرهیه جواب کلدیکندن معاون مومی الیهک طلبی وجهله مذکور مذکره نک تا کیدی ضمننده محاکمه نک یوم آخره تعلیقنه متفقاً قرار ویرلیدی آ کلا دلدی .

اخیراً اجرای محاکمه ایچون تعیین اولنان شهر مارتک بکرمی سکرنجی کونی متهمان مرقومان علی الاصول حبسخانه عمومیدن کتوردیلهرک متهملردن جمال نام و دیگر جمیلک وکیل مدافعی یوسف جمال افندی نک عدم ورودینه مبنی مرقومک قبول و موافقتله وکیل تعیین قلنان و اوراق دعوائی محکمه قلمنده مطالعه ایله مدافعهیه مهیا اولدینگی سویلیان محکمه نزدنده مستخدم دعوی وکیللرندن اسماعیل حتی بک و دیگر متهم مظهرک وکیل لئون قوافیان افندی ومعاون مومی الیه حامد بک موقع مخصوصلرنده حاضر اولدقلری حالده محکمه سالوننه چیقیلهرق وکلای مومی الیهامدن اسماعیل حتی بکه خطارات لازمه قانونیه بعدالایفا محاکمه علیه اجراسنه دوام ایلدی .

قرار سابق وجهله تا کید ایدلمش اولان تحری مذکره سنه ورود ایدن جوابده شاهدان مرقوماندن محمد بن مصطفی نک لانهده حسین بک خاتمه اقامتله حمالق ایتدیکی بیلدیرلمش اولسندن ناشی ایدیلان دعوته اتباعاً ورود ایتمکله حضور محکمهیه چیقه ریلهرق سؤل اولندقدن اسمی محمد و باباسنک اسمی دخی محمد و قرق یاشنده شیرولی اولوب مذکور خاتمه اقامتله حمالق ایتدیکی و متهمان مرقومانی اصلاً طانیادیگی کبی بوبابده لاجل الشهاده محکمهیه کلدیکی و کندوسیده مقدما برنجی دائره بلدی طلوبه جیلرندن ایدی ایسهده اوراده طلوبه جیلر میاننده محمد اسمنده بر چوق آدملر بولندیغندن آرانیلان محمدی طانیادیگی بیسان ایتمکله لدی التدیق شاهد اولهرق اقامه ایدیلان محمد باباسنک اسمی مصطفی و بکرمی اوج یاشلرنده اولدینگی مفهم اولدیغندن مطلوب محمد کلان اشبو محمد اولمادیگی آ کلاشیلغله موقعندن چیقارلدی دیگر حقوق عمومیه شهادی برنجی دائره بلدی طلوبه جیلرندن اوتوز یاشلرنده شیرولی ویرام بن عثمانک مملکتی اولان معموره العزیز ولایتنه ملحق پتورکه قضا سنک بابیک قریه سنه کیدرک الیوم مملکتنده بولندیگی و کور ویرام دیمکله معروف اولدینگی مارالد کر تحری مذکره سنه ویریلان جوابدن آ کلاشیلدیغندن معاون مومی الیهک طلبی موجبجه مرقومک محاکمه سابقهده ضبط اولوب اعلام منقوضده محرر بولنان افاده محلفه سنک قرائتیه اکثفا اولنسنه متفقاً قرار ویریلهرک بعدالتفهیم مذکور افاده نامه اوقوتدیرلدقدن بر پولیسک کلوب وقعه یی اخبار و کندولرینی دعوت ایتسیله قاقوب مذکور خانهیه کیتدکرینی و پولیس یوقاری چیقوب کندولری خانه نک ارقه قپوسی جهته بولمقدن اولدقلری صرهده بر قاچ ال سلاح سسی ایشتملرینی متعاقب جاده دن خرسزلرک قاچدیغنی

سويلاکاري و کندوسی همان اوطرفه قوشمغله اسمک جميل اولديغی قره غولخانه ده اوکرنديکی شخصک طوتيلوب کتورلمکده اولديغی کوردیکی بيان و اوقوتدیرلان افاده استنطاقيه سنده مرقومه کورسه طانيه جغنی سويلش اولديغی مرقوم بيرامه افهام و مهم جميل ازانه اولندقدده اووقت کورمش ايسده شمدی طانيه ميه جغنی اثبات ايتمش اولمقدن عبارت بولمغله نه ديه جکلری مهملردن صورلدقدده ديه جکلری اولديغی یاد و بولردن جمال نام ديگر جميل شاهدلردن مرقوم محمد ايله استماع اولان حقيک بوايشی باشلرينه اچدقلىرى و مرقوم محمد حقيکدن سؤال اولنديغی تقدیرده بولمغله جکلری ايراد ايلدیلر .

شاهد مرقوم محمد بن مصطفى حقه يکيدن تحری مذ کرمه سى تسطیری ضمنده محاکمک يوم آخره تعلیقنه متفقاً قرار ویرلديکی اکلادلی . اخيراً اجرای محاکمه ایچان تعیین اولونان شهر نیسانک اون برنجی کونی مهمان مرقومان علی الاصول حد خانه عمومیدن کتوردیلرک و مدافعه وکیللری یوسف جمال و لئون قوافیان افندیلرله معاون مومی الیه حامد بک موقع مخصوصلرند حاضر اولدقلىرى حاکمه محاکمه صالوننه چقیلررق اجرای محاکمه علیه مداومت و هیئتجه قسماً تبدل وقوعه مبنی قرائت ایتدیریلان ضوابط سابقه نك صحت مندرجاتک تصدیقه مبادرت قلندی .

حقوق عمومیه شهودندن برنجی دائرة بلديه طلومه جیلرندن یکریمی آلی یاشلرند شیرولی محمد بن مصطفى حقه بوکره دخی ویرلان تحری مذ کرمه سینه ورود ایدن جوابده مرقومک کیم اولديغی و محل اقامتی واليوم نه ايشنه مشغول اولديغی حقه اعطای معلومات ایدن بولمادین و برنجی دائرة بلديه طلومه جیلرندن دخی بیلان و طانیان اولمادین اشعار ایدلديکندن معاون مومی الیهک طلبی موجبجه مرقومک اعلام منقوضده محرر افاده سندن قرائته متفقاً قرار ویرله ک بعدالفهم مذ کور افاده نامه اوقوتدیرلدقدده وقعه کیجه سی پولیسک شوراده بر اوده خرسز وار کلکیز کیده لم دیو کندیلرینی دعوت ایتسی اوزرینه اوقداشلیله برابر مذ کور خانه کیدوب پولیس مأورینک کندیلرندن مقدم اوست قاته چقدیغی و خرسز لک قوسى قبالی بولنان بر اوطه دروننده بولندقلىرى و اوطه نك ایچروسنده کلکیز دیرک اول پولیسه و صکرده کندی اوزرلرینه بر قاچ ال سلاح آتدقدنصکره اوج کشینک همان چیه قرق نردبانن آشانی اینکه باشلادقلىرى و اوکده اینان بریسندن خرسز لر یوقاریده در دیسمیله مرقومک دخی خرسز اولديغی آکلایه رق بالتعقیب جميل دینلان مرقومی مسجدک بولنديغی زقاق دروننده در دست ایتدکاری و مرقومی تعقیب ايله مشغول ایکن دیکر لرینک فراو ایتمش اولدقلىرى افاده استنطاقيه سینه موافق صورتنده حکایه و شهادتک حضور محکمه ده کی مهم جميل حقه ایدوکنی افاده سینه علاوه ایتمش اولديغی مبین بولمغله اشو شهادته قارشو نه ديه جکلری مهملردن سؤال اولندقدده بولردن جمال نام ديگر جميل شاهد مرقومک بوراده ايسده کلامکده اولديغی و شهادتی قبول ایتیه جکلری بيان و مظهر دخی ديه جکی اولديغی بیان ايلدیلر . مرقومانن مظهرک محکومیت

سابقه سی اولوب اولديغی سؤال اولندقدده آلی یدی سینه مقدم یینه محکمه جنایتدن بر سینه محکوم اولديغی بیان ایتیکله اوچیز اون سکز سینه سندرک (۱۰۷) نومرولی اعلامی اوقوتدیرلدقدده مالی مرقومک اوچیز اون سکز سینه سى مارتینک اوتوزنجی جمعه ایتسی کونی امکجز محله سنده کائن حاجی حسن بکک خانه سندن سرقته جرأت ایتسندن طولانی اوج سینه مدته کورکه قولسینه ۲۶ خزیران سینه ۳۱۸ تاریخده قرار ویرلش اولمقدن عبارت بولمغله نه ديه جکی مهم مرقومدن صورلدقدده فی الواقع بو ماده دن طولانی محکوم اولش ايسده یالکیز بر سینه یاتمش ایدوکنی سرد ایلدی .

طرفینک توسیع تحقیقاته متعلق بشقه مطالبی اولوب اولديغی استفسار اولندقدده معاون مومی الیه بو باده بر کونه طلبی اولديغی بیان و مدافعه وکیللردن یوسف جمال افندی افاده مضبوطه سی قرائت اولنان شاهد محمد ايله مسئله ده ذیدخل اولان حکمت نامنده بریسندن موکله عداوتلری اولديغی سويلمکده اولديغندن بو جهاتک موکلی طرفندن ایضاح ایديله جکلری ایتیان و مهملردن جمال نام ديگر جميل دخی شهوددن محمد ویرام ايله وقعهدن ایکی کیجه اول غوغا ایتمش اولدقلىرى و مرقومان کلیرلر ايسه سويليه جکلری و برده وقعه کیجه سی کندوسی اوج ضابط طرفندن در دست ایدلديکندن مرقومانک مومی الیه ضابطله قارشو (بونی براقک بو خرسز دکلدر خرسزی اوکرده قاچردق) دیو سويلدکاری و بوجهتی طلومه رئيسی حقی دخی بیلوب کلديکی تقدیرده بو وجهله بیاننده بولنه جغنی در میان و ديگر مدافعه وکیل لئون قوافیان افندی ايله مهم مظهر توسیع حقیقت حقه بر کونه طلبلری اولمادین بر آورده زبان ایلرله مهم مرقوم جمال نام ديگر جميل شیمدی به قدر جریان ایدن محاکمات عدیده ده مرقومان محمد ویرامک کندوسنه عداوتلری اولديغنه و مرقومان ايله وقعهدن ایکی کیجه اول منازعه ایتمش اولدقلىرى نه دخی بر کونه افاده ده بولمماش اولسینه و بوکره حضور محکمه ده قوشمقدده اولان اهالی به باقدیغنده ایکی اوج کرد طرفندن در دست ایدلديکینی سويلديکی حاکمه شیمدی اوج ضابطک در دست ایلدکاری بیان یکدیگرینه مبین افادته بولنسینه و بو خصوصاتن معلوماتی اولديغی بیان ایلديکی طلومه رئيسی حقیک بوکره وقوع بولان استماعنده دخی بو باده بر کونه افاده ده بولمادین کبی مهم مرقوم طرفندن دخی در میان ایدلما سینه کوره ثم التدارک اولديغی آکلایشلان جهات مسروده نك تحقیقنه لزوم کورلمادیکي و بناءً علیه تحقیقاتک بوندن عبارت ایدوکی جانب ریاستدن بیان اولندقدده معاون مومی الیه مهمان جمال نام ديگر جميل و مظهرک کاظم بکک خانه سینه بالدخول معامله جبر و شدت اجراسیله فعل سرقته مجاسرت ایلدکاری شاهدلرک شهادتی وضبط و کشف ورقه لری مندرجاتی ايله ثابت اولديغندن اول وجهله جرمیتلرینه قرار ویرلمسنى طلب و ادعا ایلدی .

مهملردن جمال نام ديگر جميل وکیل مدافعی یوسف جمال افندی موکله نك فعل مدعا به مجاسرت ایلديکینک ثابت اولمه دینغی و موکله نك محل وقعه اولان خانه دن چیتدین شاهد واحدک

افاده سنده بالديغى وبونك سائقه مراقبه غلبه لك داخل اولديغده عداوت سابقه سى ارلان مرقوم محمدك موكلنى خرسىز ديو طوتدیرمش اولديغى وبويله عداوتى اولان بر شاهدك اخباريله بر آدمك محكوميتى جهته كيدلمسه قانون عدالتك مساعد اولماديغى وكشف ورقه سنده دخی دیواردن آشلاماش و دیوار ده لينمه مش اولديغى مذکور اولديغى كې خانه قېوسنك آچيق قالديغى دخی محرر اولديغندن وذاً بو مثللو احواله بر قاج احتمال وارد اولنجيه متهمك لهنه خادم جهتك ترجيحي قواعد عموميه قانونيه دن اولديغى و خانه دروننده روولور انداخت ايدلمش اولديغى بيان اولنمقده ايسه ده مؤكلنك حين در دستنده اوزرى تحرى اولنمقده روولور ظهور ايتمه مش و روولورى بربره آتديغى دخی كورلماش اولديغندن روولورى انداخت ايدنك موكلنى اولماديغى و اولماديغى واوراده پوليسلر دخی سلاح آتمش اولدقلىندن سلاحك كيمك طرفندن انداخت ايدلديكنك تظاهر ايدمديكنى و بر كونه معامله شديده واقع اولماديغى كې كيفيت دخی كندينى صاقلایان محمدك افاده سنده انحصار ايتديكنى و شهود مستمعده دن موشلى رضانك كنديسى دخی سزقوله مظنون بولنديغى جهته دلائلى كندندن رفع ايتك ايچون مؤكلنه اسناداتده بولنديغى و مخبرلردن حكمتك دخی مؤكلنك دشمنى اولديغى و شاهدلردن صادق افنديك افاده سى ده مرقوم حكمتك اخبارينه مستند بولنديغى و الحاصل مؤكلنك فعل مدعا بهه مجاسرتنه دلالت ايدمك هيچ بر اماره بيله بولنديغى و ديكر متهم مظهرك و كيل مدافى لئون قوايان افندى دخی مؤكلنك فعل سزقوله جرأت ايدلديكى حقنده بر كونه دليل بولنديغى و محكوميت سابقه سى اولسى و آياغندن مجروح بولمى بوباده دليل اتخاذا ايديله ميه جكنى و چونكه اهالى آره سنده بولنديغى ائنده قورشونك آياغنه اصابت ايتمش اولسى محتمل اولديغى و سودجى آپوستوله براقش اولديغى كمرى مال مسروق اولسه ستر جرم ايچون جيننده صاقلامسى لازم كليد ايدوكنى و بناء عليه مذکور كمرى یرده بولنديغى جهته ايرتسي كوني ظهور ايدمك صاحبنه و یرمك اوزره براقش اولديغى تعيين ايتمكده اولديغى و خانه قېوسنك آلت مخصوصه ايله آچامش اولديغنه دائر بر اماره بولنديغى باليان هر برى مؤكلنك برائته قرار و یرلمسى استدا و متهملردن جيل دخی كندوسى توقيف خانه قغوشنده بولنديغى ائنده ياننده اوچ غاردیان دخی بولمقده ايكن مرقوم موشلى رضانك دخی كنديكنى و مرقوم رضايه اولوجهله اعترافاتده بولمش اولسه غاردیانلرك دخی ايشيتمه لرى لازم كليد ايدوكى و برده موشلى رضايى ضابطه ده تضديق ايدمك زورله سويلتدیردكلىرى و ديكر متهم مظهر دخی كندوسنك برشیدن معلوماتى اولماديغى انبا ايلريله محاكمه نك ختام بولنديغى بالافهام مذاكره اوطه سنده كيدلدى .

محاکات جاریه وجهله طرفینك ادعا و افادات و مدافعاتنك استماعندن و بالجمله اوراق دعوانك مطالعه و تدقیقندن صكره ايجاب كيفيت مذاكره اولنمقده بروجه محرر مجرمیتلری طلب اولنان متهمان جمال نام ديكر جيل ايله مظهر حضـور محكمه ده فعل مدعا بهه مجاسرتلرینى انكار و وكيل مدافعلىرى دخی قسم مخصوصنده مندرج اولديغى وجهله بر طاقم مدافعات سزقوله طلب برائته ابتدار ايلمكده ايسه لرده

بر كيجه برنجى دائره بلديه آلتنده واقع قهوه خانه ده اوتورمقده لر ايكن اورايه كان بر قوميسرك بر خانه يه سارق دخول ايتديكندن بخله معاونته دعوت ايتمى اوزرينه كنديسى ده طلومه افرادندن محمد و بيرام ايله برلكده قوميسرك آرقه سندن كيتديكنى و قوميسر موسى ايله خانه نك اوست قاتنه چيقوب كنديلرى آلت قانده بكمكده لر ايكن يوقاریده بر ال سلاح انداخت اولمىنى متعاقب قوميسرك جان قورتاران يوقى ديو باغرمسندن كنديلرى ده يوقارى يه چيقمقده اولدقلىرى صروده اوزرلرينده بر قاج ال سلاح ده انداخت ايدلديكنى و اوصروده متهملردن جمال نام ديكر جيلك باشى آچيق و اوستى باشى موم ياغى ايچنده اولديغى حالده كنديلرينه قارشى [خرسىز يوقاریده در] ديهرك و يوقاريدن آشايي اينهرك آره لرنده صاووشمغه باشلامسندن مرقومك خرسىز اولديغى آ كلامه لريله همان آرقه سنى بالنعقيب دائره مذکورنك آرقه سنده كى اوفقى مسجدك زقانى دروننده در دست ايتدكلىرى و متهم مرقومك ائناى فرارنده اوزرندن بر بچاق چيقاروب یره آتديغى كورمش ايسه ده آرقه سنى بر اقامق ايچون كنديسى ييچاغى آله مديغى شيرولى حقيقك و وقعه كيجه سى بر پوليسك شوراده بر اوده خرسىز وارد كلكىز كيدلم ديو دعوت ايتمى اوزرينه ارقداشلريله برابر مذکور خانه يه كيدوب پوليسك اوست قانده چيقديغى و خرسىزك بولندقلىرى قېوسى قبالى بر اوطه نك درونندن كليكىز ديهرك اوله پوليسه وبعده كنديلرينه بر قاج سلاح آتدقندن صكره اوچ كشينك همان چيقه رق نردبانندن آشايي ائنه ك باشلا دقلىرى و او كده اينان متهم جمال نام ديكر جيلك خرسىز لر يوقاریده در ديمسندن مرقومكده خرسىز اولديغى آ كلامه رق بالنعقيب مسجدك بولنديغى زقاق دروننده در دست ايتدكلىرى شيرولى محمدك و بر پوليسك كلوب وقعه يي اخبار و كنديلرينى دعوت ايتمى قاقوب مذکور خانه يه كيتدكلىرى پوليس يوقارى يه چيقوب كنديلرى آرقه قېو جهته بولنمقده اولدقلىرى صروده بر قاج ال سلاح سسى ايشتملرينى متعاقب جاده دن خرسىز لرك قاجديغى سويلدكلىرى و كنديسى همان او طرفه قوشمغه اسمك جيل اولديغى قره قوطخانه ده او كرنديكى شخصك طوتيلوب كتورلمكده اولديغى كورديكنى شيرولى بيرامك و كنديسى اشجي ايرانى حاجى آغانك ياننده خدمت ايتديكى ائنده جمال و مظهر و حسن و مصطفى و صيارى يوركى ي دائما كلوب و یرمسيه يمك يدكلىرى جهته طانديغى و بونلرك كيم اولديغى بالمناسبه اوسته سندن سؤالنده مرقومونك خرسىز اولدقلىرى سويلديكنى و بر كيجه كنديسى بر سرقت شه سيله نوبت اوطه سنده جلب ايتمش اولدقلىرى صروده مرقوموندى جمال اوستى باشى موم ياغى ايچنده و باشى آچيق والارنده كېجه اولديغى حالده كتورملريله نه ايچون كتورلديكنى صورديقده غوغا ايتديكندن طوتيلوب كتورلديكى جوابى و یرديكنى و اوصروده باب ضابطه ده مرقوميسر محمد على افندى كنديسندن مرقوم جمالى طانيوب طانياديغى سسؤال ايتمكده كنديسنده مرقوم جمال ايله حاجى آغا و مصطفى و مظهر و صيارى يوركى و حسيني طانديغى و مرقومونك خرسىز اولدقلىرى سويلديكنى و اورادن كنديسى بشقه محله توقيف ايدلديكلىرى و مذکور كيجه ساعت آلتى

یدی راده لرندہ پولیس مجلسی اعضا سندن حسنی بکله محمد علی افندی کندیسی معلومات آلق اوزره مرقوم جالک موقوف بولندی قغوشه ادخال ایتمزله اوراده نه ایچون توقیف ایدلیکنی مرقوم جالان صور دیغنده مرقومک بو آقشام مظهر ومصطفی ایله برلیکنده وزنه جیلرده کاظم بک خانہ سنه کیردیکنی واهالی خبر آلوب ایچری یه کیردیکنی قورتلوق ایچون مظهرک سلاح آندیگی و لامبهرک سونم سندن قراکلق اولدیگی جهته مظهری طوته مدیلر ایسه ده بولاسک آندیگی روولوردن مرقوم مظهرک مجروح اولدیگی و کندیسی دخی طوتوب بورایه کتوردکنی موشلی رضانک مع القسم و علی الدرجات اخبار ایتمزله و متهمان مرقوماندن مظهرک دیرکر آده سنده کز مکده ایکن مرقوم جال نام دیگر جیله تصادفله برخانه سرقت قصدیه دخول ایدجکنی و کندیسنک ده زقاقده کوزجی قالمسینی سولیسندن مرقومک سوزینه اغفل اولنهرق اسمنی بیلمدیکی بریسنک خانہ سی اوکنه کیتدکنی مرقوم جال نام دیگر جیلک خانہ درونه بالدخول کندیسیده زقاقده کوزجی قالدیگی و اصرده واهالی و مأمورین طرفندن اوزرلینه هجوم ایدلیکندن جالک فرار ایتدیکنی و کندیسنک ده آتیلان سلاحدن جرح ایدلیکنی و قراکقدن بالاستفاده اورادن صاووشدیگی بالیان کیفیتی مأمورین ضابطه حضورنده بالطوع والرضا اقرار و اعتراف ایلسنه وینه مرقوم مظهرک صول آیاغنده طوپوق مفصلنک وجه داخل سنده بر آلت ناریدن انداخت اولان مریمی ایله حاصل بر سانیتمترو قطرنده بر فتحه دخوله بولندیکنک واشبو مریمک تحت العضله سیرایله بش سانیتمترو مسافدن خروج ایدلیکنک کورلیدیکی طیب راپورنده کوسترلسنه و متهمان مرقومانک فعل سرقتله محکوم سابقلی کروهندن اولملری و بولردن جمال نام دیگر جیلک حین در دستنده اوزرنده ظهور ایدوب مال مسروق اولدیگی آلدیگی محلی تعیین ایدمه مسیله تحققی ایدن مع قوردون آلتون ساعت و کوشلی توتون طبقه سی و مظهرده دخی کذلک مال مسروق اولدیگی کندیسنک افادات متباینه سی و شهود مستمعدهن سر قومیسر محمد صادق و سودجی آپوستولک مع القسم واقع اولان شهادتیه شبه قالمیان کوشدن معمول کربولنسی دلائل و امارات مسروده یه تقویت و بر مسنه و مدافعاته نقل کلام اولندقدن متهملردن جمال نام دیگر جیلک جرم مشهود حالنده باشی آچیق و اوستی باشی موم یاغی ایچنده اولدیگی حالده در دست اولنسنه و مرقومک محل وقعه اولان خانهدن چیقدیگی شاهد واحدک افاده سنده قالمایوب ایکی شاهد طرفندن خبر ویرلسنه و بالاده دخی بالاناسبه ذکر اولندیگی وجهله شاهدلردن شیروی محمد حقنده متهم طرفندن بیان اولان خصوصت متهم مرقومک قول مجرندده قالدیگی کبی کیفیت یالکیز مرقوم محمدک اخبارینه منحصر اولیوب دلائل و قرائن مشروحه ایله متبیین اولنسنه وائنانی وقعه ده سارقلر طرفندن روولور استعمال ایدلمش اولدیگی و متهملردن جمال نام دیگر جیلک بیجاقله مسلح بولندیگی اولباده کی کشف و ضبط و رفعلری مندرجاتیه متحقق بولنسنه و جرمک لیلاً و مساحاً ایقاع ایدلسنه کوره محل وقعه اولان خانہ نک قبوسی آلت مخصوصه ایله آچیلماش و دیواری ده لئماش و نردبانله آشلماش اولسی موضوع بحث اوله میه جغه و شاهدلردن موشلی رضانک اشبو سرقت فعلنده برکونه دخل

واشترکی اولدیگی کبی اولباده کی اخباراتنک سلسله وقوعاته مطابق نفس الامر موافق اولدیغنه دلالت ایتسنه و متهملردن مظهرک مذکور کوش کمری سودجی آپوستوله ترهین ایتدیکنی و کیدوب آلمسینی حکمت نام شیخه سولیدیکی تحت اعترافده اولوب مرقوم حکمتک شهود مستمعدهن سر قومیسر محمد صادق افندی یه قارشو واقع اولان اخباری دخی صاحبی تعین ایدمه میان و بنساء علیه موضوع بحث اولان سرقت فعلیه پکده تعلق بولمیان مذکور کوش کمرک سودجیده مرقوم مظهر طرفندن براقلدیگی حقنده اولغله بونک مرقوم حکمتک عداوتنه هلی متصور اوله میه جغه مبنی متهمان مرقومانک انکار و تأویلاتی و دلائل و قرائن مبسوطیه قارشو مدافعه و کیلارینک کافه مدافعاتی غیر وارد و الحاصل مرقومان جمال نام دیگر جیل و مظهرک اوچیز یکریمی درت سنه سی ایلولنک اوتوزنجی صالی کیجی ساعته بریچق راده لرندده استیناف حقوق رئیس کاظم بکک شهزاده باشنده قلندر خانہ محله سنده کائن خانہ سنه مسلحاً بالدخول فعل سرقت تصدی ایدلکری حالده مأمورین ضابطه واهالینک یتشمسی کبی یداختیارلرنده اولمیان اسباب مانعه جیلولتیه ماده سرقتی فعله چیقارمه قلمری دلائل و امارات مشروحه دن متحصل قناعت وجدانیه ایله مرتبه ثبوت واصل اولدیغندن مدافعات واقعه نک ردیه مرقومانک اولوجهله لیلاً و مساحاً ایقاع سرقت تصدی ایتک فعلنک فاعلاری اولوق اوزره مجرمینلرینه و جاهاً و متفقاً قرار ویرلدی .

محاکمه او طه سنه عودتله قرار مذکور علناً قرائت و بیان اولندقدن معاون مومی الیه مجرمان مرقومانک قانون جزانک ایکیز اوتوزنجی ماده سنک علاوه سی دلائلیه ایکیز یکریمی برنجی ماده سنه توفیقاً تحدید جزالرینی فقط بولردن مظهرک عین جرمدن مصدق محکومیتی اولدیگی آکلاشلدیغندن قانون مذکورک سکنزنجی ماده سی موجبجه مکرر عد اولنهرق جزانک تضعیفی طلب وادما و مدافعه و کیلاری موکلارینک تحفیف جزالرینی استدعا و مجرملرده دیه جککری اولمادیگی انبا ایلمزله بوباده کی محاکمه نک ختامی بالافهام تکرار مذاکره او طه سنه کیدلدی .

جهت جزائییه حقنده دخی مذاکره کیفیت اولندقدن مجرمان مرقومان جمال نام دیگر جیل و مظهرک کرچه مقدا اجرا قلنان محاکمه لرندده ۲۴ حزیران سنه ۳۲۴ تاریخنده قلم باشده مقیم بحریه جراحلردن قول اغایی فخری بکک خانہ سندن ایقاع سرقت ایتملردن طولای ۱۴ تموز سنه ۳۲۵ تاریخنده ایکیشر سنه حبسه محکوم ایدلمش و بوکره رؤیت ایدیلان سرقت تصدی فعلندن دخی بالحاکمه برنجی قسم محاکمه ضبط نامه سنده دخی مندرج اولدیگی وجهله مذکور ایکیشر سنه حبس جزانک قلیله یدیشر سنه مدتله کورکه قوللرینه ۱۳ اغستوس سنه ۳۲۵ تاریخنده قرار ویرلمش ایسه ده بودفعه وقوعه اولان نقضه تبعاً یکیدن اجرا قلنان محاکمه ده قرار مذکور ۸ اغستوس سنه ۳۲۵ تاریخلی قانونک موقع تطبیقه و ضمیمدن مقدم اتخاذ ایدلیکی آکلاشلش قانونک مذکورک برنجی ماده سی موجبجه ایسه ۱۰ تموز سنه ۳۲۴ تاریخندن

مقدم ایقاع ایدلش اولان مومی الیه فخری بک خانہ سندن سرقت مادہ سندن طولای تعقیبات قانونیہ اجر اسنه و بنساء علیہ مذکور اکیشتر سنہ حبس جزاسنک قلبه محل کورولمه مش اولدینی جهته یالکنز بالاده محرر بحرمیت قرارنده موضوع بحث اولان سرقتہ تصدی مادہ سندن طولای تحدید جزالری لازم کلدیکندن و فعل مذکور دن طولای فعل و حرکتلری دخی قانون جزانک ایکوز اوتوزنجی مادہ سنک علاوه سی دلالیه ایکوز یکرمی برنجی مادہ سنه موافق و مذکور علاوه ایله ماده (فعل سرقتک اجر اسنه تصدی ایدوبده ید اختیارنده اولیان اسباب مانعه حیلولیه برشی الهامش اولان خرسزلر حقنده تصدی ایلدیکی فعلک درجه سنه کوره سرقت جزاسی اجرا اولنور) (خرسزلق معامله شیده اجر اسله وقوع بولوب فقط بویه معامله شدتن اثر جرح ظهور ایتمه مش و بشقه برحال منضم اولامش ایسه و یا خود معامله شدت وقوع بولوب فقط اولایکجه اولدینی و تانیاً ایکی ودها زیاده اشخاص طرفلرندن جمله سی و یا خود ایچلرندن بریسی مسلح بولندینی حالده وقوع بولش ایسه متجاسر اولانلر کذلک موقتاً کورکه قونیلورلر) عباراتی ناطق اولدیفندن اشبو احکام قانونیه یه توفیقاً مرقوماندن جمال نام دیگر جمیلک ابتدای توقیفی اولان اوچوز یکرمی الی سنه سی رمضانک یکرمی ایکنجی کونسندن اعتباراً اوچ سنه و مظهرک دخی بالاده قسم مخصوصنده محرر اولدینی وجهله محکمه تمیز جزا دائره سنک ۲۱ کانون ثانی سنه ۳۱۸ تاریخلی و ۴۶۵۶ نومرولو اعلامی موجبجه تصدیق ایدلش اولان ۱۰۷ اعلام ۳۱۸ نومرولو اعلام جنائی ایله سرقت فعلندن طولای اوچ سنه کورکه محکوم بولندینی قیداً تبیین ایتدیکندن قانون مذکورک (قانونک تعیین ایتدیکی احوال دن ماعدلرلر مکررلر حقنده جزا ایکی قات اوله رق حکم اولنور) دیو محرر اولان سکزنجی مادہ سنه تطبیقاً و ابتدای توقیفی اولان اوچوز یکرمی آلتی سنه سی ذی القعدہ سنک یکرمی یدنجی کونسندن اعتباراً جزاسی بالتضعیف آلتی سنه مدتلرله کورکه قونلرینه و مصارف محاکمه اولان زیرده مفرداتی مرقم جمعاً بیک الی غرو شکده کندیلرندن بالتحصیل تسلیم وزنه ایتدیرلسنه اوچوز یکرمی یدی سنه سی نیسانک اون برنجی کونی کذلک وجاهاً و متفقاً قرار ویریلرک محاکمه اوطه سنه عودتله قرار مذکورک دخی جانب ریاستندن علناً متون قانونیه نک قرائتیه برابر امر تفهیمی اجرا و اصول محاکمه جه معین اولان معاملات سائر قانونیه تمامیه ایفا قلندی.

جنایت محکمه سندن صادر اولان ۵ نیسان سنه ۳۲۷ تاریخلی و ۲۴ نومرولی اعلام صورتیدر :

اوچوز یکرمی بش سنه سی ایلونک یکرمی ایکنجی صالی کونی ساعت درت راده لرنده پراپلاس اولتلنده ترجمانلق ایدن مانوئیل افندینک ترلا باشنده لاله سواقغنده واقع خانہ سندن آلت مخصوصه استعمالیه سرقتہ تصدی ایتدیکی ادعاسیله متهم و غیاباً محکوم اولوب اخیراً در دست ایدیلان و وقعه کیجه سی حین در دستنده غلطه پنایا کلیسای قارشوسنده قصاب یورکینک تحت استیجارنده بولنان یانیه اولتلنده اقامتله فارصونلق

ایتدیکنی و موخر آده بک اوغلنده اصمہ لی مسجد ایچنده کی غازی نوده غازیو جیلق ایتدیکنی و تاریخندن بش سنه مقدم بر سرقت مادہ سندن طولای آلتی آتی حبسه محکوم اولدینی سوبلش اولان ادرنه لی اوتوز بش باشنده متأهل چو جقلی او قور یازار طاقندن و تبعه عثمانیه نک روم ملتندن یاقو نام دیگر باغار یانی نام دیگر یاقوف ولد ملتایدینک قانون جزانک ایکوز اوتوزنجی مادہ سی علاوه سی دلالیه ایکوز یکرمی مادہ سی موجبجه درت سنه مدتلرله کورکه قونلسنه دائر محکمه دن صادر اولان ۱۲ کانون ثانی سنه ۳۲۶ تاریخلی و ۲۱۸ نومرولی اعلام جنائی محکمه تمیز جزا دائره علیه سنک ۱۶ مارت سنه ۳۲۷ تاریخلی و ۱۸۴ عددلی اعلامیه نقض و اعاده واستیناف مدعی عمومیلکنک ۲۸ مارت سنه ۳۲۷ تاریخلی و ۱۱۰۱ نومرولی درکنار یله ۲۹ مارت سنه ۳۲۷ تاریخده محکمه یه تودیع ایدلکله بالمطالعه طرفینک تشکیلی ایله نقض واقعک تدقیق ایچون اوچوز یکرمی یدی سنه سی نیسانک بشنجی کونی تعیین قلمشیدی .

یوم مذکورده متهم یاقو علی الاصول توقیفخانہ دن کتیر دیلرک مقدما مدافعہ سنده بولنش اولان نشان افندینک دعوتیه ورقه سی تبلیغ ایتدیکی حالده کلامش اولنسندن ناشی مرقومک موافقتیه بوکره کندیسنه وکیل مدافع تعیین ایدیلان و اوراق دعوا یه محکمه قلمنده او قوبوب مدافعیه مهیا ایدوکنی سوبیلان نزد محکمه ده مستخدم دعوی وکیللرندن احمد ساقی بک واستیناف مدعی عمومی معاونلرندن عبدالصمد بک موقع مخصوصلرنده حاضر اولدقلری حالده علناً و وجاهاً اجرای محاکمه مباشرتله کیفیت نقض متهم مرقومه جانب ریاستندن تفهیم و انبا و وکیل مومی الیه ده اختلالات قانونیه یفا قلندقدنصکره مذکور تمیز اعلامیه اعلام منقوض ضبط کاتبی عبدالرحمن افندی یه قرائت ایتدیرلدی .

مذکور تمیز اعلامی مالی هر نه قدر تبلیغنامه ده اعلامک تصدیق طلب اولنیورسده مهتمک مدعینک خانہ سی قپوسنی کلیدینی لیلآ آلت مخصوصه استعمالیه آچمه و بوضورتله فعل سرقتی اجرایه تصدی ایتدیکی حالده خانه صاحبلرینک قپونک قاریشیدیرلدینی آکلا یوب خرسز خرسز دیه واقع اولان فریاد استمداد کارانه لری اوزرینه بکچی اسکندر و علی و محمود آغلریله بولیس قومیسر معاونی خلیل حلمی افندی یتیشوب فراده تشبث ایدن متهم مرقومی طوتدقلری و اوزرنده قولی ایچنده صاقلی برطاقم اناختار بولدقارینی اشبو شاهدلر اخبار ایتمکده و اظهار حق شاهی اولق اوزره جلب واستماع اولنان مدعی مانوئیل افندینک زوجه سی قالیوپی ایله کریمه سی اوزرینک افاده لری دخی کیجه قپونک طقر دینسک ایشیدوب باغرمه لرله مهتمک فرار ایدرکن طوتلیدینی تأیید ایلکده ایکن مهتمک آلت مخصوصه استعمالیه سرقتہ تصدی فعلنک فاعلی اولق اوزره مجریمته قرار ویرلش ایسه ده شو شهادات و بیاناته و اجرا ایدیلان تطبیق و معاینه نتیجه سنده مهتمک اوزرنده بولنان اناختارلردن بری قپونک زبیره کنی آچمده ایسه ده کلیدینی آچمه مدینی آکلا شلمسسه کوره مهتمک خانه درونه آیق آتمق شویله طورسون قپوپی بیله آچمه مدینی

مستبان اولمسنه مبنی فعل سرقتك شوحر كنه تشبث تام درجه سنده اولوب اولديني جهتی نظر تدقیقه آلتامش اولمسندن طولانی اصول محاکمات جزائیة قانونك اوچوز اون دردنجی ماده سنده توفیقاً اعلام مذکورك نقضه واحكام قانونیه دائره سنده ایضای معامله اولنق اوزره اوراقل اعاده سنده قرار ویرلدیکنی میندر .

اعلام منقوض مندرجاتی دخی اصول محاکمه چه معین اولان معاملات سائرۂ قانونیه دخی تمامیه ایضا قلندی عبارتتی محتویدر .

طرفینك نقض واقعه اتباع ویاخود حکم سابقه اصرار حقنده کی ادعا ومطالباتی استفسار اولندقدده معاون مومی الیه متهم یاقتونك جرمی تشبث تام درجه سنده اولديني اعلام منقوضك فقرۂ حکمیه سنده محرر ادله ایله مثبت اولديغندن حکم سابقه اصرار ایدلمسی ادعا وکیل مدافعی احمد ساقی بك دخی اعلام منقوض مندرجاتنه نظر آتمیز قراری وارد اولديغندن اتباع وموكلتك عدم مسئولیتنه قرار اعطا اولمسی استبدما ومتهم یاقتو دخی کنديسی بومسئله ده معصوم بولنديغندن محکمه تمیز قرارینه اتباع اولنق وبرائتته ده قرار ویرلك صورتیه مظهر معدلت ایدلمسی استدعا دن بشقه دیه جکی بولمادیغنی بیان وانبا ایلرله بوجهت محاکمه نك ختام بولديني افهام اولنهرق مذا کره اوطه سنده کلندی .

محاکمه جاریه وجهله طرفینك حکم سابقه اصرار ویا محکمه تمیز قرارینه اتباع حقنده کی ادعا ومدافعاتك استماعندن وتمیز اعلامیه اعلام منقوضك سرپا تدقیق ومطالعہ سندن صکره ایجاب کیفیت لدی المذا کره اعلام منقوض شهاداته واجرا ایدیلان تطبیق ومعاینه نتیجه سنده متهمك اوزرنده بولنان اناختارلردن بری قپونك زنبیره کنی آچقدده ایسه ده کلیدی آچه مدینی آکلاشلمسند کوره متهمك خانه درونه آیاق آتمق شوبله طورسون قیوی بیله آچه مدینی مستبان اولمسنه مبنی فعل سرقتك شوحر كنه تشبث تام درجه سنده اولوب اولمادیني جهتی نظر تدقیقه آلتامش اولمسندن طولانی نقض واعاده اولمش ایسه ده اعلام منقوضك بالاده محرر فقرۂ حکمیه سنده بر تفصیل محرر بولنديني وتمیز اعلام سنده دخی بیان وتصدیق اولنديني اوزره متهمك وقعه کیچه سی مانوئل افندیك خانه سی قپوسی کلیدی پرووالی اناختار ایله آچه چالشدیني بر صروده کلیدك قولایچه جق آجیله مامسی وخانه صاحباریك قپونك قاربشدرلدیغنی طوبوب فریاد ایتلمری وبکجیلرله پولیس مأمورلرینك یتشمش اولملری مانعه سندن حیولتیه ماده سرقتی حین فعله ایصال ایدممامش اولمسنه وآلت مخصوصه ایله قپو آچق صورتیه ایقاع سرقق جرمنده قپویی آلت مخصوصه ایله آچه چالشمق ویاخود قیرمغه باشلامق افعال استحضاریدن اولیوب جرمك افعال اجرایشه سندن بولنديني وبناء علیه آلت مخصوصه یی قپویه وضع ایله آچه ویاخود قیرمغه باشلامق جرم مذکورك افعال اجرایشه سنی ایقاهیه بدأ ومباشرت اولديني درکار وآلت مخصوصه استعمالیه سرقق تشبثك مستلزم جزا اواسی ایچون متشبثك خانه یه دخول ایتسی ویا قپویی آچمش اولسی لازم کلیوب سرقق قصدیه قپویی قیرمغه ویا آچه باشلامق وپو صروده اسباب مانعه نك حیولتیه مقصد سرقتی اجرا واستحصال ایدممامك دخی قانوناً مستلزم مجازات

اولان تشبث درجه سنده اولديني بدیدار بولمسنه بناء تمیز اعلام سنده کوستریلان اسباب نقضیه مندرجات اعلامه نظراً وارد وبجا ونقض واقع لازم الاتباع کوریه مادیکنندن متهم یاقتو نام دیگر باغار یانی نام دیگر یا قوف ملتیدینك اوچوز یکریمی بش سنده سی ایلونك یکریمی ایکنجی کیچه سی لاله زقاغنده وانع مانوئل افندیك خانه سندن آلت مخصوصه استعمالیه سرقق تصدی ایتدیکی حالده خانه صاحباریك واقع اولان فریاد استمدادکارانه لری وبکجیلر ایله پولیس مأمورلرینك یتشمش دربست ایتلمری مانعه سندن حیولتیه ماده سرقتی فعله چیقاره، ادینی ثابت اولديغندن اولوجهله مجرمیتنه وقانون جزانك ایکیوز اوتوزنجی ماده سی علاوه سی دلالتیه ایکیوز یکرمنجی ماده سنده توفیقاً وابتدای توقیفی اولان اوچوز یکریمی سنده سی شوالنك اون برنجی کونندن اعتباراً وسرققندن جنجه درجه سنده کسب قطعیت ایتش اولان محکومیت سابقه سی بولمسنندن طولانی جزائی تشدیداً دوت سنده مدته کورکه قولمسنه دائر اولان حکم سابقه اصرار ایدلمسنه وزیرده مفرداتی مرقم جمعاً بشیوز اون غروش مصارف محاکمه نك دخی کنديسندن بالتحصیل تسلیم وزنه ایتدیرلمسنه اوچوز یکریمی یدی سنده سی نیسسانك بشنجی کونی وجاهاً ومتفقاً قرار ویرلهرک محاکمه اوطه سنده عودتله قرار مذکور علی الاصول تفهیم قلندی .

بدایت محکمی مقروضه داری عدراتی

در سعادت بدایت حقوق محکمه سندن صادر اولان ۹ تشرین ثانی سنه ۳۲۷ تاریخلی و ۲۳۶۳ نومرولی اعلام صورتیدر :

قیزیل طوبراقده کوشک سنده مقیم سابق مصاحبانندن نادر آتاک وکیلی دعوی وکیللرندن قواجی اوغلی فؤاد امضاسیله در سعادت بدایت محکمه سی برنجی حقوق دائره سنده اعطا و ۵ تشرین اول سنه ۳۲۷ تاریخنده معامله قیدی سی ایضا قلنان عر ضحاله مؤکلی نادر آتاک دیوان حرب عریفچه موقوف و محاکمه آلتنده بولنديني بر صروده شاملی عبدالله نام کسنه طرفندن علیه اقامه اولنان ایکی آت بدلی اوچوز لیرا آلاچق دعواسی غیباً رؤیت اولنهرق اولباده صادر اولان ۲۰ مایس سنه ۳۲۵ تاریخ و اوچوز یتش دوت نومرولو اعلام غیبی ۲۱ مارت سنه ۳۲۵ تاریخنده تبلیغ اولمسی اوزرینه ۱ خزیران سنه ۳۲۵ تاریخلی استبدما ایله اعتراض علی الحکم اولنوب ۳۹ نومرویه قید ایتدیرلمش ومدعی مومی الیه اعتراضاً ووجاهاً محاکمه اولنق اوزره اعلام غیبیه محرر اقامتگاهنه دعوتیه کوندرلمش ایسه ده مومی الیه اقامتگاهنی ترک ایله نومه کیتدیکی معلوم اولمديني محله سی امام و مختارانی طرفندن دعوتیه ورقه سنده شرح اولمسنه مبنی یوم محاکمه ده

تبليغاتك قابل اوله مدینى و محكوم لهك اجرا دائره سنه مراجعتله نرده اولدینى تظاهر ایتدیکنده ايجابنه باقیله جنی مقام ریاستدن تفهیم اولنه رق آنجق مدعی مومی الیهك شمعدی به قدر ایکی سنه دن زیاده مدت کجدیکی حالده اجرا به مراجعتله کندینى میدان چیق ارمیوب مسئله نك معلقده قلمسینه سپیت ویرمش اولدیندن قلمجه اوراق اعتراضیه نك ابطال ایدلینکى بالمراجعه آکلامش و حالبوکه مدعی مومی الیه اخیراً میدان چیقوب اجرا دائره سنه مراجعتله حکم غیابی بی تنفیذ ایتدیرمک تشبیه بولمش اوقله اوراق اعتراضیه نك بطلان اخراجی و جراح پاشاده نومروسز خانه ده مقیم اولدینى اجرا دائره سنه تبلیغ ایتدیردیکی اخبارنامه دن آ کلاشیلان مومی الیهك جلیله محاکمه لرینک و جاهاً اجرایی و اولجه اعطا اولنان اعتراض استدعاسنده بیان اولنان اسبابه و عندالحا که سرد اولنه حق اسباب سائر مه منی حکم غیابینک فسخ و ابطالیه معارضه واقعه نك منی و هر شیدن اول معاملات اجراییه بی توقیف ایتک اوزره اعتراض وقوعی مین بر قطعه علم و خبرک اعطاسی استدعا قلمه قدسائی وقوعبولان تبلیغ قانونیه اوزرینه بوم معینی معترض نادر آقا طرفدن حصول مدعان طولای بدایه و اعتراضاً واستینافاً و اعاده محاکمه و خاصمه یه و اعلامادن ماعدا اوراق دعوائی تبلیغ و تبلیغ و تحلیفه و الحاصل اختلاف مذکورک صوک درجه ده حل و فصل اولنجه یه قدر متوقف اولدینى امورک کلیسی ایفایه ماذونیتی شامل اوراق عتیقه میاننده کی و کالته استناداً دعوی وکیللرندن قواص اوغلی فؤاد و معترض علیه عبدالله افندی طرفدن دخی محاکم نظامیه ده له و علمینه اقامه اولمش و اولنه حق بالجمله دعاویده بدایه و اعتراضاً و استینافاً و اعاده و تمیزاً و تصحیحاً محاکمه و خاصمه یه و اوراق لازمه نك کندی امضاسیله تنظیم و تقدیمه و تبلیغ و تبلیغ و اخذ و قبضه و صلح و ابرایه و حجز وضع و فکینه و تحلیفه و معاملات اجراییه ماذونیتی ، مشتمل مبرز و کالته مه مستنداً دعوی وکیللرندن یورضا کی افتیمیدیس افندیلر بالوکاله کلهرک بولردن معترض علیه عبدالله افندی وکیل یورضا کی افندی مسابقتله نادر آقا طرفدن اخیراً ویریلان عرضخاله و قتیله موکلی عبدالله افندی طرفدن استحصا اولنان اعلام غیابی علمینه اعتراض علی الحکم ایدیلهرک تبلیغاتک اجرا ایدلماسی سببیه تعقیب ایدیلهرک تبلیغاتک اوراق اعتراضیه نك ابطال ایدلینکى و شیمدی تعقیب ایدلمکده اولدینى اقرار ایدلمسینه و اعتراض بر مدت معینه تابع اولوب و قتیله ویریلان اعتراض عرضخالی ولوکه مدتی ظرفنده ویرمش اولسه بیلر تعقیب اولنماسندن طولای ابطال ایدیلور ایسه تکرار دعاوی سائر مثللو احیا ایدیلهرک تبلیغاتک و چونکه اعتراضک طرق قانونیه دن معدود و اعتراض استدعاسی ابطال اولنقله اعتراض واقع اولماش دیمک اوله جفته و آندن صکره احیاء ویریلان استدعا ایسه مدت قانونیه شک مرورندن صکره ویرمش اولمسینه بناءً نظر قانونده شایان قبول اولمان مذکور استدعای اخیرک ردینى مدافعه بیان و معترض علیه نادر آقا وکیل فؤاد افندی دخی موکلی نادر آقا و قتیله مدت ظرفنده اعتراض استدعاسی ویرمک صورتیه حق اعتراضی محافظه ایدرک معترض علیهک غیوبت ایتمسه منی دوام محاکمه معامله نك توقیف ضروری و اوراق

اعتراضیه نك ابطال طرفینک طلبیه اجرا ایدلیوب محاکمه جه اداره ابطال ایدلمش و غزته لر ایلر اعلان کیفیتی اساساً مدعیلره عائد برحق اولنقله معترضک اعلام طریقله معترض علیه ارامغه مجبور اولیوب ظهورینه انتظار ایتمکدن بشقه بر طریق اولدینى و بر معامله قلمیه دن عبارت اولان ابطال خصوصی مدت قانونیه سنه تشبث ایدلمش اولان اعتراض حقى بوجهله اسقاط ایدمه جکندن مدتی ظرفنده ویرمش اولان اعتراض استدعا یله احیاء ویریلان ایدو استدعاسنک بالقبول دعوانک اعتراضاً دوام رؤیتنه قرار ویرمشى و معترض علیه وکیل دخی موکلت بولنه مامسی اوزرینه معترضک اوراق حوادثله اعلان صورتیه تبلیغات اجرا ایتدیرمک حق اولدینى حالده بو حقنى استعمال ایتدیکنى و قانونده کی ماده مخصوصه مطلق اولوب معترضک غزته لر ایلر اعلان حق اولدینى دائر بر قید اولدینى مرور زمان دعوالرنده بیلر جلینامه چیقارلمسی مرور زمانى قطع ایدمه جکنى و اعلام غیابینک تبلیغندن صکره صلح اولق ایچون معترض موکله مراجعت ایتمش اولدیندن غیوبت ایتدی سوزی شایان سمع و التفات اولدینى و معترض وکیلنده موکلی صلح ایچون مراجعت ایتدیکنى درمیان ایتملری اوزرینه نادر آقاك اعتراض دعوائی اوزرینه داود پاشا اسکله سنه ساکن شاملی عبدالله افندی به برای محاکمه تنظیم اولنان دعوتیه ورقه سی بولدریلهرق لدی القرائه زرینده ۳ حزیران سنه ۳۲۵ تاریخ و داود پاشا قریه سنه قصاب الیاس محله سی امام وکیل حافظ عثمان نوری مهر رسمیه یله یازیلان شرحده مومی الیه عبدالله افندی بش آلتی کون اقدام محله لرینک صماتیه جاده سنه مستأجراً اقامت ایتمکده اولدینى خانه دن چیقمش اولدینى و زویه نقل ایتدیکنه دائر معلوماتی اولدینى مین ایدوکی و کور و ملکله لدی التذکر معترض علیه وکیل یورضا کی افندی بوجه مشروح سرد ایدلینکى اسبابه بناءً معترضک حق اعتراضی ساقط اولدینى درمیان ایدیلور ایسه ده استناد ایدلینکى اوراق اعتراضیه نك ابطال کیفیتی محکمه جه بر معامله داخلیدن عبارت و دعاویه غیر مؤثر بولندیندن او بولده کی اعتراضاتک ردیه دعوانک اعتراض نقطه سندن دوامنه متفقاً قرار ویریلهرک تفهیم قلمه قدسکره کوزته ده سابق اصطلح عامره مدیری فائق پاشا کوشکنده مقیم خاقان سابق مصاحبلرندن نادر امضاسیله مقدما محکمه یه ویریلوب ۱ حزیران سنه ۳۲۵ تاریخنده معامله قیدییه سی اجرا قلمش اولان اعتراض علی الحکم عرضخالی بولدریلهرق لدی القرائه داود پاشا اسکله سنه ساکن شاملی عبدالله افندی طرفدن علمینه اقامه اولنان اوچیز لیرا آلاق دعاوسنه دائر محکمه دن غیاباً ویریلان ۲۰ مایس سنه ۳۲۵ تاریخ و اوچیز یتمش درت نومرولو اعلامک بر صورت مصدقه سی ۲۱ مایس سنه ۳۲۵ تاریخنده طرفنه تبلیغ قلمش ایسه ده آنجق مدتی مومی الیه اصلا دینى اولیوب دعاوی واقعه ایسه حال نکبتدن استفاده طمعنه دوشمسندن متولد بر دعاوی مزوره اولدیندن و بویه اوچیز لیرا کی بر مبلغ مهم اوزرینه عقد بیع و شرائک شهود و شخصیه ایلر اثباتی غیر جائز اولدینى کی شهادت واقعه انشای محاکمه ده بیان اولنه جنی وجهله نظر قانونده ساقط بولندینى و حکم غیابی مذکورک

اتخاذيه مخالفت ايلديكي جهته اعتراض على الحكم ايدر اولديغنه معترض عليه موسى اليه عبدالله افنديك جاييله محاكمه لرينك وجاهاً اجراسى وحكم مذكور دن عدول اولونه رق موسى اليهك منع معارضه منه قرار ويرلسى طلبنى متضمن اولدينى كورلدكن ولدى التدقيق وقتيله اشبو اعتراض استدعاسك لمدتي ظرفنده اعطا ايلديكي آكلاشمغله قبولى قرار كير اولدق دن واعلام معترض به مواجهه لرنده لدى القرانه عبدالله افنديك نادر آغا ذمتنده اوچيوز بر ستهسى تموز واغستوس آيلرى ظرفنده كستانه طوننده فروخت ايلديكي بر چفت عرب آتى ائمانى اولان اوچيوز عدد عثمانلى ليراسنك تحصيلي حقهده اقامه ايلديكي دعوانك اجرا قلنان محاكمه سنده مدعى عليهك عدم اجابته مبنى وكيل مسخر تعيين قلنان تئولو غوص افندى انكارده بولنش ايسه ده مدعى عليهك ذكر اولنان حيوانلرى مدعى دن اوچيوز ليرا مقابلهده اشترا ايلديكي استماع اولنوب عدل ومقبول الشهاده اولدق لرى لدى التزكيه آكلاشيلان شهودك شهادتيله ثابت اولديغندن انكار واقعهك رديله مجلهك بيلك سكين يوز اون سكين نجي مادهسى حكمه توفيقاً مذكور اوچيوز ليرانك مدعى عليه نادر آغادن بالتحصيل مدعى عبدالله افندى به اعطاسنه ۹ مائس سنه ۳۲۵ تاريخنده غيباً ومتفقاً قرار ويريله رك تفهيم قلنديغنى مبنى ايدوكى كورلد كندى كره صورت اعتراضى نادر آغا وكيلندن استفسار اولندقده هر نه قدر دعواى غيبايهده شهود شخصيه استماع ايدلمش ايسه ده دعوى بشيك غروشدن زياده اولديغندن شهود شخصيه استماعى حائز اولمديغنى جهته اعلام غيبايى حكمك جرح وابطالنى ومعترض عليه وكيل دخى شهودك شهادتيله ثابت اولان شيعى اقرض واستقرار كى بردين عادى اوليوب بر عقد بيعك ثبوتنه متدائر اولمغله بشيك غروشى متجاوز دعوالرده شهود شخصيه استماع اولنز بولنده كى ماده قانونيه خصوصى مدعاده مابه التطبيق اوله مامقوله برابر معترضك اعتراض استدعاسنده دعواى مذكورهده شهود شخصيه استماع ايدلميه جكنه دائر بر اعتراض اولمديغندن يعنى اعتراض استدعاسى شرائط اعتراضيه يى غير جامع بولنديغندن بونقطه دن طولاني دخى اعتراض استدعاسك ردنى ومعترض وكيلى دخى اعتراض استدعاسنده حكمن عدول ايدلسى قيدى شاهد استماع اولونه من ديمك اولوب بناء عليه اعتراض استدعاسى شرائط اعتراضيه يى احتوا ايتديكى كى دعواى غيبايهده استماع اولنان شهودده كندى فعللرينه شهادت ايتدكلى جهته شهادتلى نظر قانونده غير معتبر وعقد بيع وشرا اولسه بيله دعوى بشيك غروشى متجاوز بولمنه مبنى شهود استماعى غير جائز ومعترض عليه يورضا كى افندى ده اعتراض استدعاسنده شاهدلرك ذات وشهادتلى نه دائر بر اعتراض اوليوب يالكنز دعوى بشيك غروشى متجاوز بولمنندن طولاني اعتراض ايديله رك خالوكه دعوى شهادتيله ثابت اولديغندن حاصلى انكار جائز اولمامقوله ايكي شق اعتراضدن بريسى شهادتيله ثابت اولديغنى جهته مردود و ايكنجى شق اعتراض ايسه اثبات اولنان شى عقد بيع وشرا بولنديغندن مسموع اولمديغنى درميان ايتلى اوزرينه لدى التذكر اعتراض استدعاسى شكلاً موافق قانون اولديغندن قبولنه وجهات سائر حقهده كى محاكمه نك تعاليق قلنديغنى يوم معين اخيرنده طرفين وكيللى كلرك بولردن معترض وكيلى ايراد كلامه مسابقتله اصول محاكمه حقوقيه قانوننك يوز الله

ايكنجى ماده سنده محرر اولديغنى اوزره اعتراض دعوانق مقصد دفع دعوى يعنى حكم اولدن رجوع ديمك اولوب مدعابه ايسه اوچيوز ليرا بولنديغنى جهته سنده ربط ايدلسى عرف وعادت اقتضاسندن ايكن محاكمه غيبايهده شهود شخصيه استماعى لزومه قرار ويرلسى واستماع ايدلسى مخالف قانون بولنديغندن وحد ذاتنده اولبابده كى مقررانك موكانك غيبايهده ويرلمش بولمنه بناء مذكور شهود شخصيه استماعى حقهده كى قرار دن رجوع ايله مدعاهك سندا اثباتنه قرار ويرلسى واساساً مسئلهك قابل رجوع ورجوع طلبك شاين قبول اولديغنى وبونكله برابر شهود مستمعك صورت شهادتلى كندى سايسلرى و آدملى اولديغنى آكلاشيلديغنى كى مذكور حيوانلرى كندى كندى كندى كندى فعللرينه شهادت ايتدكلى جهته شو صورتلهده شهادت واقعه نظر قانونده معتبر اولمديغنى وشاهدلرك كيملر اولديغنى موكلى بيلممكده اولديغندن ذاتلى حقهده بالطبع بر طعن درميان ايديه جكنى وموكلى مدعى دن بر كونا حيوانات آلامش ومدعى محضا بر مكافاته مظهرت ايجون مذكور حيوانلرى خاقان مخلوعه هديه ايلش اولديغنى درميان ايتمنه قارشو معترض عليه وكيل يورضا كى افندى معترض وكيلى طرفندن بيان اولنان اصول محاكمه حقوقيه قانوننك الله ايكنجى مادهسى موجبجه عندالاعتراض دفع دعوى ايدى لورسه حكم اولدن رجوع ممكن اولنه بيلوب يعنى مدعى دعواسنى اثبات ايله مرتبه ثبوت ايصال ايتدكندى كره محكوم عليه دفعى اثبات ايدر ايسه سبب رجوع ودفع ايسه مجلهك تعريف ايتديكى دفع اولوب يوقسه محكمهك شهود شخصيه استماعى حقهده موافق قانون اولان اجتهادى قابل رجوع اولمديغندن وشهود مستمعده كندى فعللرينه شهادت ايتمه رك عقده ومعترض نادر آغاك فعلنه شهادت ايتمكله برابر شاهدلر حقهدهده بر كونا طعن درميان ايديله ديكندن شاين قبول اولميان اعتراضات واقعهك رديله اعلام غيبايى مذكور حكمك تصديقى طلب وتذكار ومعترض وكيلى فؤاد افندى دخى دعواى واعلام غيبايى جرح ايدر هر نه اسباب اولور ايسه اولسون قانوناً دفع اولديغنى وشاهد استماعى حقهده كى متخذ قرار دن رجوع ايدلسى حقهده درميان ايلديكى اعتراض قانونى بر دفع اولديغندن محكمه جه رجوع ايدلسى طلب وازبار ايللرينه وبو بايد هر برينك بشقه بر ديه جكلى اولديغنى بالسؤال آكلاشمغله مبنى ختام محاكملى افهام اولندى .

ايجابى لدى المذاكره عبدالله افنديك نادر آغا ذمتنده بيع وفروخت ايلديكى بر چفت كستانه طوراسى رنكده عرب آتى ائمانى اوله رق آلاجنى اولان اوچيوز عدد عثمانلى ليراسنك تحصيلنى حاوى استحصال ايلديكى اعلام غيبايى محكوم عليه نادر آغا طرفندن اقامه اولنان اعتراض على الحكم دعواسنك اجرا قلنان محاكمه سنده معترض نادر آغا وكيلى فؤاد افندى طرفندن درميان ايديلان اعتراضات مدعابه اوچيوز ليرا اولوب اصول محاكمه حقوقيه قانوننك سكين نجي مادهسى موجبجه سندا اثباتى لازمكلى كى حالده شهود شخصيه استماع ايدلمش اولملى وشاهدلرك شهادتلى كندى فعللرينه تعلق ايتش ايكن محكمه جه قبول ايدلسى مغاير قانون وشو اسباب قانونيه بناء

مقررات سابقه دن رجوع ايله سنده مستند اوليان دعواي مذكوره نك ردی خصوصاً سنده منحصر اولوب
حالبو كه دعواي مذكوره اصول محاكاتك مارالذ كر سكسانجی ماده سنده محرر تعهدات و مقاولات و شركت
و التزام و اقراض قیلندن اولمديق جهته شهود استماعی حائز اولديني كبی شاهدلرك شهادتاری دخی كندی
فعلارینه تعلق ایتموب مدعی ايله مدعی علیه بینده عقد بیعه منجر اولان مشافهه و تسلیم بیعه متعلق
بولمسنه بناءً بوجهاته متدائر اولان مقررات سابقه شایان رجوع کوريله مدیكی كبی كرك اساس دعوايه كرك
شاهدلره قارشو بروج طین صحیح درمیان ایدلامسی دخی اعراضك ردینی موجب احوال دن كورلمسنه بناءً
اعتراضات مسروده نك ردیله اصول محاكه حقوقیه قانونك یوزاللی سكرنجی ماده سی حکمنه توفیقاً اعلام
غیابی مذکور حکمنك تصدیقنه و بوجه زیر اوچیوز اوتوز طقوز غروش مصارف محاكه نك معترض
مومی الیه عائد اولوق اوزره اول امرده اعلامی طالب اولان معترض علیهن اخذینه ۹ تشرین ثانی سنه ۳۲۷
تاریخنده وجاهاً و متفقاً قرار و بریلر ك طرفین وکیلارینه تفهیم قلدی .

تجارت اعدمانی

در سعادت تجارت بحریه محکمه سندن صادر اولان ۲۷ مارت سنه ۳۲۷ تاریخلی ۱۳۷۸ نومرولی اعلام صورتیدر :
یورکیادی وچاوش اوغلی شرکتك وکیل عمومیسى دعوی وکیلارندن یورغا کی ایتیمیادی امضاسیله
وبریلوب ۳ کانون اول سنه ۳۲۶ تاریخنده معامله قانونیه نی ایضا قننان ۱۳۷۸ نومروه مقید عرفحال
قرائت اولندی .

مندرجاتی مؤکلی شرکتك غلطه ده حراجی سوقاغنده مغازه لرنده مقیمان چای تاجری هاسیوتیس
وچوقاسی شرکتی ذمترلنده درت قطعه قامپال موجبجه مطلوبی بولنان ایکیوز اوتوز درت انکلیز لیراسنك
تأدیهدن امتناع اولمسنه مبنی مذکور قامپال لرك قارشولنی اولان یتش صندوق چای محکمه نك ۲۹ کانون اول
سنه ۳۲۶ تاریخلی قراریه و محافظه حقوق مقصدیه تحت حجزه الیرلش و اموال مذکوره نك سوروم موسمی
قیش اولسی و حفظاری امرنده مومی کلی مصارف اختیار ایدلمکده بولنسی حسیبله مسئله نك مستعجلیتی
درکار بولنشی اولدیغندن مومی الیهما هاسیوتیس وچوقاسی شرکتك سربماً محکمه یه جایله بالحا که مبلغ
مذکور کچا لرك کر کردن نقلی صره سنده ادا اولنان ارضیه و ریختم بازه سی و مصارف حفظیه و محاکمه و حجزیه
و پروتستو و اجرت و کالت و اجرای موقته مومی الیهما دن تحصیلنه و حجز موضوعك تصدیقنه قرار ویرلسنی
بالوکاله طلب ایدلیرکنك بیساندن عبارت کورلش اولغله طرفینك اجرای محاکمه لری ایچون تعیین اولنان

اوچیوز یکریمی الی سنه سی کانون ثانیسنك یدنجی کونی مدعی شرکت طرفندن اوچیوز یکریمی بش سنه نك
التیوز قرق یدی نومرولی دوسیه میاننده موجود وکالتنامه عمومیسنه مستنداً معطی عرضحال یورغا کی افندی
ومدعی علیه شرکت جانبندن دخی له وعلیهنه وقوعبولش و بوله حق بالجمله دعاویدن طولانی درجات
محاکم کافه سنده محاکمه و مدافعه یه شهود اقامه واستماعنه بخیر و حکم نصب و تعییننه و الحاصل
متوقف اولدینی امورك کلیسنی ایشایه مأذونیتی ناطق اوله رق بك اوغلی بدایت محکمه سی برنجی حقوق
دائرة سندن و بریلان ۵ کانون ثانی سنه ۳۲۶ تاریخلی وکالتنامه صورت مصدقه سی موجبجه توکیل
ایدلش اولان دعوی وکیلارندن قسطا کی لغوفت افندی کلش اولماريله دعوی عرفحال نك قرائتنی
متعاقب مدعی وکیلی عرفحالی مؤداسنی شفاهاً دخی تکرار ايله برابر موکلی یورکیادی وچاوش اوغلی
شرکتك قالدیرلمسنه اجرای تجارت ایدن مهدی اصفهانی تجارتخانه درت قطعه قامپال جیرو
ایدرك بدلی آلدیلرینی و قامپال لرك قارشولنی اولوق اوزره یتش بش صندوق چایی ناطق (ترهت
دو کومانتیر) دینیلان پولیچه نك موکلارینه تسلیم اولدینقی، مالرك ورودی اوزرینه مخاطبك خبردار ایدلیرکنی
حالبو كه اموال مذکوره نك بدلاری و برلکسزین قونشممتو دوبلیقاتلاری خصم طرفندن الیه ایدیلر ك مالرك
کر کردن قالدیرلمسنه قیام ایدلیرکنی بونك اوزرینه خصم طرفنه مراجعتله بدلاری طلب ایدلیرکنی و معامله نك
توقیف ایدلیرکنی حالبو كه كرك معامله سی هاسیوتیس وچوقاسی نامنه یایدیرلش اولدیغندن قامپال لرك تحویل
ایچون حجزه مراجعته مجبور اولدیلرینی تجارت قانوننامه سنك ۱۲۷ نجی ماده سی موجبجه مخاطبه مراجعته
حقاری اولدیغندن قامپال لرك بدلنك مدعی علیه شرکتدن تحصیلنه و حجز موضوعك تصدیقنه قرار ویرلسنی
طلب و بیان مدعی علیه وکیلی قسطا کی لغوفت افندی دخی حجز اختیاطینك وضعنه لزوم اولمادینقی اساس
مسئله نك حلی ایچون کندیلرینه قارشو یورکیادی شرکتك خصم اوله میه جغنی حجز مسئله سنه کلنجه حجز
برمدیونك ذمته ده اولان دینك تأمین استیفاسی و یاخود کندیلرینه عائد اولوب بر شخص ثالث یدینه کچن
مالک ضیاعدن وقایه سی ضمنتده اوله ییلوب حالبو كه مخاطب کشیده ایدیلان پولیچه یی قبول ایتدکجه
اوبولیچه نك بدلی تسویه ایتدکجه مکلف اوله میه جغنی — مکرکه مراسم قانونیه ايله قارشولق تحقق ایتش
بولسون — واورتاده نه واجب الادا بر دین نه ده حجز ایدلش مال اولمایوب مالک کندیلرینه تسلیم
ایدلماش بولدینقی و پولیچه نك کندیلرینه ابراز اولدینقی زمان اول باول پروتستوسی لازمکلوب قارشولنی
یدلرنده اولدینقی ادعا اولنیور ایسه بدلی دعوايه صلاحیتدار اوله ییله جکلیرنی ، و تأدییه ایدلیدی دینیلان
شو پولیچه نك پروتستوسی اجرا قلمدیغندن طولانی شمدی اقامه دعوايه صلاحیتلری اوله میه جغنی ، حجز
اولنان مالک ده نه کندیلرینه نه ده خصم طرفنه عایدی اولیوب قالدیرلمسنه کی تجارت بوراده کی آجتی طرفندن
کندیلرینه صایلدینقی قونشممتو معامله سی ناملرینه یایلهرق و واپور قومانیاسندن اوردینوسی آلتهرق کرکجه

معامله سی بعدالایفا مال رؤیت ایدلده قبوله شایان کورلمدیکندن آجت استیلیانیدی ایله کندیلرینه پروتستو چکلمش اولدیغنی خصم طرفی پولیچه لرك مقابل موکلنده اولدیغندن بحثله بدانی ایستیورسده پولیچه پروتستو ایدلمدیکندن حق دعوالری مفقود وقارشولغك موکلی نزدنده غیر موج ود بولندیغنی ونهایت اختلاف بایله مشتری میاننده حل ایدلده کن صکره مالک طرفلرندن تسلمنه محکمه جه قرار ویریلورسه آنجق اووقت دعوی ایله بیله چکلرینی ومالک معیب اولدیغنی ادعا ایدلدیکنه بناء ماللری آلمغه مجبورت نقطه سندن کندیلرینه خصم اوله میه جکلرینی بیان وادعا ایدلدیکندن وتأیید مدعا ضمننده خصم طرفندن موکلنه مقاولات محررلیکی واسطه سیله تبایغ اولان ۲۶ کانون اول ۳۲۶ تاریخلی پروتستو ورقه سی قرائت اولندقدن صکره یورغا کی افندی اعطای جوابه مسارعته موکلنک آدمی یندن قونشمه تنولرینی آلدق لری، پولیچه قارشولغنه وضع بد ایتدکلرینی اقرار ایلکده بولندقلرینی، موکلنک پولیچه لر ایله برابر قارشولق اوزرنده حق امتیازی بولندیغندن حجز وضعنده مختار بولندیغنی و مخاطب یندنه کی مالده حق امتیاز بولمنی طبیعی اولدیغنی تجارت قانوننک ۱۲۷ نجی و ۱۰۶ نجی ماده لرنده مخالفتک نه کی شیلرده اولدیغنی تعیین ایدلدیکندن بوماده لر موجهه جکلری مسلم وقارشولغنه حجز وضع ایتکه صلاحیتلری موجود والحاصل هم خصومت هم حق حجز درکار بولندیغنی قارشولغنه وضع ید جهته کلنجه رد مسئله سی کندیلرنجه کاا لم یکن اولوب مشتری، مخاطب کندیلرندن تلقی ایله بدله وضع ید ایدلکلرندن ینه کندیلرینه قارشو تأدیه ایله مکلف بولندقلرینی و پروتستوده چکلمش اولدقلرینی بیان ومدعی علیه وکیل قسطا کی افندی دخی یورکیادی افندی شرکتنک کندیلرینه قارشو خصم اوله میه جنی نقطه سنده اصرار وحق امتیازلرینی قونشمه تنوی تسلیم ایله اسقاط ایلدکلرینی تذکار ولدی السؤل یورغا کی افندی چاؤش اوغلی شرکتنک اصالة دعوی ایلکده بولندیغنی ورسم کمرکی تأدیه تصرف املاکله تصرف دیمک اولدیغنی ایتان ایلرله و طرفینک بوبابده بشقه بر دیه جکلری اولمادیغنی بالسؤل آ کلاشملقه بونقطه حقنده ختام محاکمه بالتفهیم مذا کره کیفیت یوم آخره تعلیق قلندی.

ایجابی لدی المذا کره مدعی وکیل یورغا کی اقیمیادی افندیکنک اموال محجوزنک فروختیله پولیچه بدلنک تسویه سی ادعاسنه قارشو مدعی علیه وکیل هر نه قدر بوجه بالا سرد مدافعات ایتکده ايسه ده اجرا قلنان تدقیقاتدن و طرفینک ادعا ومدافعاتندن مستبان اولدیغنه کوره کشیده جی طرفندن پولیچه ایله برلکده حامله ارسال قلنان قونشمه تنو مخاطب طرفندن آلهرق نامه املا و اموال مرسله نك معامله رسومیه سی مخاطب نامه اجرا قلنمی مذکور اموالک قبض وتسلمی دیمک اوله جغه و پولیچه نك قارشولغنی بدنده بولنان مخاطب ولوکه پولیچه نی قبول ایتامش اولسون قانون تجارتک ۱۲۷ نجی ماده سی مدلولنجه او قارشولغك قیمتی نسبتنده کندوسنک مساواتی درکار ومدعی علیه اموال مرسله نك معیب اولدیغنه و کندوسیده خیار عیب دن طولانی مییی قبول ایتدیکنی متضمن پروتستو کشیده ایدلدیکنه متداثر بولنان مدافعاتده میبعک قبضندن صکره

حیار عیبه فسخ بابعک رضاسنه و یا خود حکم حا کمه متوقف اولوب بوراده ايسه اشبواکی حالدن هیچ بریسی موجود بولنامسی حسبیله غیر وارد کورلمسینه مبنی مدعی علیه طرفندن درمیان قلنان مدافعات واعتراضاتک ردیله کندوسنک تحت تملکینه داخل اولان پولیچه قارشولغنی نسبتنده مسؤلوی مقتضی واول صورتله کندوسنه مدعینک خصوصتی متوجه بولندیغنه اتفاقله قرار ویرلدی.

بعده طرفین وکیللری محکمه یه کلهرک قرار سابق قرائت اولندقدن مدعی وکیل مدعی سابقی تکرار ایلش واوراق عتیقه دروننده بولنان درت قطعه قامبیالک ترجمه لرینه احتیاج کورلمش اولمقله ووراق مذکورنک ترجمه سی ضمننده دوام محاکمه یوم آتی به تعلیق قلندی.

بعده طرفین وکیللری محکمه یه کلهرک مدعی وکیل طرفندن اعطا قلنان مارالذ کر قامبیالک ترجمه سی قرائت اولندقدن برنجینک (قالکوت ۲۹ ایلول ۱۹۱۰، سکسان بدی انکلین لیراسی ۱۰ شیلین : ایکنجی قامبیال کوروندکده (برنجیسی اوده مامک اوزره) امریمزه یالکیز سکسان بدی انکلین لیراسی ارن شیلین تأدیه ایدیکیز (ماللرک استانبوله وصولنده پیاسه موجی لوندره اوزرینه اویسته قامبیالی فیثاتندن) بدلی آلمشدر و بونی استانبول ایچون سالزیا واپورینه یوکلنان درت نومرولی وت. آش مارقه لی یکر می سکیز صندوق جای حسابنه کچر کز امضا من برا مهدی اصفهانی واولادلری . استانبولده . ۱ . هاسیوتیس و . ۱ . چوقاس افندی لر ظهرنده کی جیرو (یورکیادی وچاؤش اوغلی افندی لر امرینه تأدیه ایدیکیز بدلی حسابده داخل اوله رق اخذ اولمشدر) . قالکوتا ۲۹ ایلول سنه ۱۹۱۰ مزیرا مهدی اصفهانی واولادلری عباراتی ناطق وایکنجیسی (عین تاریخ و امضالری عین جیروی محتوی ۶۸ انکلین لیراسی اوبش شیلین) اوچنجیسی (۲۸ انکلین لیراسی ۲ شیلین ۶ پی) درنجیسی دخی (اللی انکلین لیراسی) مبالغی محتوی نسخه نایه لری اولدقلری آ کلاشملقدن صکره نه دیه جکی مدعی علیه وکیلندن صورلدقدن موسی الیه امضالری اولدیغنی مدعی وکیل قبوللری اولدیغنی فرض ایدلسه بیله اول و آخر جریان ایدن محاکمه ایله قارشولغنه وضع ید ایتدکلری آ کلاشملقدن اولدیغندن مدعا به چاپلر اوزرینه موضوع حجزک تصدیقنه وباردنک تحصیلنه حکم ویرلمنی طلب وچاپلرک بدلیده قامبیاللرک محتوی اولدقلری مبالغ اولدیغنی ادعا قسطا کی افندی ايسه کندیلری پولیچه نی قبول ایتسه لردی او زمان بدل ایله مؤاخذه ایدملری ممکن اولوب عکسی تقدیرده یالکیز قارشولقه خصمک حق مطالبه سی اوله بیله جکی، قراؤک دخی بو مرکزده اولوب چاپلرک فروختندن صکره قیمتلری مدعا بهی اوده مزسه مدعینک کشیده جی به حق مراجعتی اوله جفنی و قانون تجارتک ۷۵ نجی ماده سنک بو بابده کی احکامی صریح اولدیغنی برده ماللرک استانبوله ادخالندن صکره تراید قیمتلرینه سبب اولان مصارفک موکلی طرفندن اختیار ایدلدیکی جهته بونک تنزیلی لازم کله جکی بوندن بشقه مدعی حامل حقیقیمیدر یوقسه وکیل قانونمیدر بوجه تریده تفصیل ایتلری ایجاب ایدلدیکی بیان ومدعی وکیل مالک مبيع اولدیغنی تقدیرده قیمتک ثمن مسمی اوله جنی طبیعی اولوب بو

اعتبار ايله كندولرينه قارشو مسؤل اولدقلرى قيمت بېنهماده تعيين ايدن ثمن مسعى اولديغى، تزيلى ادا ايتدكارى كرك مصارفى كې مبالغك امر و تاديه سى خصمك وظائى جمله سندن اولوب شيمدى كنديلرينه قارشو على الاطلاق ثمن مسعى ايله مسؤليتلى دركار اولديغى، حامل حقيقى اولق مسئله سنه كلنجه مدعى عليه (امر به تاديه ايدىكز) ديوب امر به ظهريه كې جيرو ايله ثابت بولنديغى قارشو و لغك تعيينده ايسه خصوصتى متوجه اولديغى بيان و تكرار ايلرله بوجهت حقه ختام محاكمه بالتفهم ايجابى تأل اولندوقده مدعى عليهك جيرو حقيقى اولوب مواضعه اولديغنه دائر مدعى به عمن تكليف ايديهيله جكه دائر اتخاذ اولنان قرار بعد التفهم دوام محاكمه ۳ شباط سنه ۳۲۶ تاريخه تعليق قلمشدر.

بعده طرفين و كيللرى ايله پتراكى افندى چاؤش اوغلى محاكمه به كلرك بر منطق قرار سابق جيرونك مواضعه اولديغنه دائر تحليلى اجرا قلمش وقسطا كى لغوفت افندى قوللكتيف شركتنده شركانك كافه سنك احضارى و اول صورتله تحليفلى اقتضا ايديه جكنى و بناء عليه شريك ديكر كى دخى محكمه به كيتيلمسى طلب ايلش و طلب واقع موافق اصول و قانون كورلمش اولغله يوركىادى چاؤش اوغلى شركتتك ديكر شريكده محكمه به كلرك اوزره دوام محاكمه يوم آخره تعليق قلمدى.

بعده طرفين و كيللرى محكمه به كلرك شريك ديكر طناشا كى يوركىادى افنديك ده يمينه حاضر اولديغى بيان ايتاريله تبدل هيت و قوعنه مبنى محاكمه يكيدين كساد اولندوقدن و حاضر بولنان و كيللر افادات سابقه لرى تصديق ايلدكن صكره شريك مومى ايله دخى (۲۳۴) ايرالى قاميالده كى جيرونك مواضعه اولديغنه دائر تحليلى اجرا اولنهرق دوام محاكمه وقتك عدم مساعدنه مبنى يوم آخره تعليق اولدى.

بعده طرفين و كيللرى محكمه به كلرك بوباده بشقه برديه جكلرى اولوب اولمادىنى صورلدوقده مدعى و كىلى يورضا كى افندى مبرز قاميالره مربوط فاطوره لك ناطق اولديغى ميمك ثمنى قارشولق اولديغندن قاميالار بدلنك تحصيليله حيز موضوعك تصديقتى و حكمك ده اجراى موقته ربطى طلب، قسطا كى افندى دخى افادات مضبوطة سابقه سنى تكرارله قرار متخذ يالكرز مال بدليه مؤاخذه لرى ناطق و بوجهت كنديلرنجه معترف بولنديغندن كرك رسومى و سائر كې مالك تزييد فيئاتى استلزام ايدن مصارفك كنديلرينه قارشو تسويه سى صورتيله ماللك قيمتى تسويه حاضر بولندقلرى و بوليچه نك تكيميانى قبوله مجبوريتلى اولمايوب قارشولغك ثمن مبيع اولديغى ادعايه آنجق كشيده جى صلاحيتدار اولديغى و مستحق اولان (بانى) نك داخل دعوى ايدلمسى لازم كله جكنى و مالله موكلنك وضع يد ايتديكى تذكار ايلكله وقتك عدم مساعدنه سنه و مدعى و كيلنك ده جواب ويره جكنى بيان ايلسنه مبنى محاكمه يوم آخره تعليق قلمدى.

بعده طرفين و كيللرى محكمه به كلرك مدعى و كىلى سولتديرلده لئون قانك دردنجى جلدنك ۱۶۶ نجى صحيفه سنده و سائر اجله ارباب حقوقك آثار بر كزیده سنده مطالعه اولنديغى وجهله بوليچه قارشولغك ثمن مبيع اولديغى افاده سنده اصرار و قانون تجارتنك ۷۴ نجى ماده سى دخى بواجتهادى قبول ايلكله بولنديغى تذكار

و ميمك اعاده سنى موجب بر سبب قانونى اولمادىنى كې ميمك دخى منفسخ بولنامه سنه بناء ادعاى سابقى تكرار ايلش وقسطا كى افندى دخى كتب فقهيده مصرح اولديغى وجهله قيمت ثمن مثل اولوب ثمن مسمانك بولندن زياده و يا نقصان اوله بيله جكنى بوليچه قارشولغك ثمن مبيع اولديغى دعا ايدلكده ايسه ده ثمن مسمانك خصم طرفندن بيله معلوم اولمديغى كنديلريك قيمت اوزرينه تعهدده بولندقلرى قبضك تمام اولوب قونشميتونك جيرو سى تسليم معنائى افاده ايديه جكنى قبول بيله اولسه خيار رؤيتلى اولديغى و كنديلرى بايع اولمديغندن حق خيارى بايع حضورنده تكرار ايتك نقطه نده اصرار ايلديكى و قانون تجارتنك ۷۵ و ۱۲۷ نجى ماده لرى منطقجه بوليچه قارشولغك كوندردلىكى ادعا ايتك كشيده جى به عائد اولوب بايعك ده داخل دعوى اولمى ايجاب ايلديكى يورضا كى افندى دخى عقدك عدم مجبوليتى، قاميالرده (مربوط فاطوره لرده مذكور چاى بدلى) عبارهنك مندرج اولديغى مالله خصمك وضع بدايمى قونشميتونك كنديلرينه تسليم ايدلمش و كرك رسومى ويره لك تصرف املاكله متصرف اولش و نهايت مجله نك ۳۳۵ نجى ماده سى موجبجه مدعى عليهك و قتيله خيار رؤيتى اسقاط ايلش و فسخ بيع ايجون حكم حاكمده غير موجود بولنش اولديغنه متدائر اولان افادات اوليه سنى تكرار ايلديكى افاده ايتكله طرفين و كيللرينك بوباده بشقه برديه جكلرى اولمادىنى آكلاشيلدوقدن صكره محاكمه نك ختام بولديغى تفهيم قلمهرق ۱۰ اكره يوم آخره تعليق قلمدى.

ايجابى تأمل ايدلكده: تجارت بره قانوننك ۷۳ و ۷۴ و ۷۵ نجى ماده لرى مدلولنه نظرآ مدعى و كيلنك بوليچه قارشولق ثمن مبيع اوله جغه دائر اولان ادعاسنك رديله بر موجب قرار سابق هاسيوتيس و چوقاس شركتتك قونشميتو، قارشولق اوله رق اخذ ايلدكارى چابلك قيمتى نسبتنده مؤاخذ ايدلمى مقتضى بولنديغنه و شو قدركه كرك رسومى و سائر كى مدعى عليه جانبدن ايفا اولنان رسومك قارشولق قيمتدن تزيلى جائز اوله ميه جغندن قارشولغك فروختيله تاما مدعى يوركىادى چاؤش اوغلى شركتته تسليمه و زيرده مفرداتى مرقم بيك يتشيدى بچق غروش مصارف محاكمه مدعى عليه عايدته ۲۷ مارت سنه ۳۲۷ تاريخنده و جاهاً و متفقاً قرار ويره لك تفهيم قلمدى.

مسائل انتباه

قارپوط بدايت محكمه سى رئيسى عبد الرحمن افنديك مدعى عمومى معاونى و كىلى سعيد افندى بى تحقيق ايلديكى امور جزائيه دائره سنجه تدقيق اولنان تحقيقات اورا قندن نمايان اولسنه و حركت واقعه سى مسؤليت قانونيه بى مستلزم بولسنه بناء مومى اليك تحت محاكمه به آلمسنه عدليه نظارت جليله سندن امر مأذونيت اعطا اولمشدر.

كونان قضائى مدعى عمومى معاونى و كىلى پوليس قوميسر معاونى احمد هدى افنديك وظيفه مأمورىتى سوء استعمال ايلديكى امور جزائيه دائره سنجه تدقيق اولنان تحقيقات اورا قندن مستبان اولسنه و حركت

واقعہ سی مستلزم مجازات کورولسنہ بناءً مومی الیہک تحت محاکمہ آئسنہ عدلیہ نظارت جالیہ سندن امر
مأذونیت اعطا اولمشدر .

*

*

نیکسار قضاسی نائی و بدایت محکمه سی رئیس حسام الدین واعضای محکمه دن مستنطق و ہی افندیلرک
اخذ رشوتہ وظیفہ لرینی سوء استعمال ایلدکاری امور جزائیہ دائرہ سنجه تدقیق اولنان تحقیقات اوراقدن
مستبان اولسنہ و حرکت واقعہ لر مستلزم مجازات بولسنہ بناءً مومی الیہک تحت محاکمہ آئسنہ عدلیہ
نظارت جالیہ سندن امر مأذونیت اعطا اولمشدر .

*

*

یرہ ناحیہ سی مدعی عمومی معاونی و کیلی پولیس مأموری حبیب افندیلرک رشوت اخذیله وظیفہ مأموری
سوء استعمال ایلدیکی امور جزائیہ دائرہ سنجه تدقیق اولنان تحقیقات اوراقدن مستبان اولسنہ و حرکت
واقعہ سی مسئولیت قانونیہ سی مستلزم بولسنہ بناءً مومی الیہک تحت محاکمہ آئسنہ عدلیہ نظارت جالیہ سندن
امر مأذونیت ویرلشدر .

*

*

قدردہ قضاسی محکمه باش کاتبی اسعد افندیلرک وظیفہ سندن بلا سبب صحیح تراخی وقصور ایلدیکی امور
جزائیہ دائرہ سنجه تدقیق اولنان تحقیقات اوراقدن نمایان اولسنہ و حرکت واقعہ سی مسئولیت قانونیہ سی
مستلزم بولسنہ بناءً مومی الیہک تحت محاکمہ آئسنہ عدلیہ نظارت جالیہ سندن امر مأذونیت ویرلشدر .

*

*

طرول قضاسی بدایت محکمه سی مستنطقی عثمان و معاونی حسنی و مدعی عمومی معاونی و کیلی عزیز
افندیلرک وظیفہ مأموره لرینی سوء استعمال ایلدکاری امور جزائیہ دائرہ سنجه تدقیق ایلدیلان تحقیقات اوراقدن
نمایان اولسنہ و حرکت واقعہ لر مسئولیت قانونیہ سی مستلزم بولسنہ بناءً مومی الیہک محاکمہ آئسنہ عدلیہ
نظارت جالیہ سندن امر مأذونیت اعطا اولمشدر .

*

*

ملاطیہ سنجانی مستنطقی حمدی افندیلرک اصحاب مصالحدن بریسی صورت عادیہ تحقیر ایلدیکی امور
جزائیہ دائرہ سنجه تدقیق اولنان تحقیقات اوراقدن نمایان اولسنہ و حرکت واقعہ سی مسئولیت قانونیہ سی
مستلزم بولسنہ بناءً مومی الیہک محاکمہ آئسنہ عدلیہ نظارت جالیہ سندن امر مأذونیت ویرلشدر .

برائت

مقدم رشوت اخذیله وظیفہ مأموری سی سوء استعمال ایلدیکندن طولانی تحت محاکمہ آئسنہ عدلیہ نظارت جالیہ سندن امر
بدایت محکمه سی مستنطقی عبدالجود افندیلرک برائتہ دائر حلب ولایتی استیفاف جزا محکمه سندن ویرلوب
استیفاف مدعی عمومی سندن ۱۰ تشرین اول سنه ۳۲۷ تاریخ شقه سیله وارد اولان اعلام علیہ اصول محاکمات
جزائیہ قانونک اوچوز قرق یدنجی ماده سنک استعمال حکمنه محل اولمادیفی بالتدقیق امور جزائیہ مدیریتدن
افاده قلمشدر .

قانونیہ

بحث سادس

ایکی اجنبی ویا بر عثمانی ایلہ بر اجنبی آرمہ سندن اموال غیر منقولہ متاثر اوله رق تیکون ایدن دعاوی

مسئله نیک تاریخچه سی . — معلومدرکه ۷ صفر سنه ۱۲۸۴ قانونک نشرندن مقدم اجانب ممالک عثمانیہ ده
اموال غیر منقولہ تملک وتصرف ایتک حقیقی حائز دکل ایدی . مع مافیہ اجنبیلر بر قاج صورتله اموال غیر
منقولہ یه صاحب اوله بیلورلر ایدی : (۱) محضا اموال غیر منقولہ تصرف ایدہ بیللمک مقصدیله کندیلرینی
تابعیت عثمانیہ ده کوسترلر واول صورتله معاملہ قیدیہ یی ایضا ایتدیرلر ایدی (۲) نام مستعار ایلہ تصرف
ایدرلر یعنی اشترا و تفرغ ایلدکاری غیر منقولاتی تبعہ عثمانیہ دن اولان آخر بر کیمسه عہده سنه قید
ایتدیرلر ایدی (۳) اکثر اجانب ده بر عثمانی قادین ایلہ ازدواج ایدوب صاتون آلدقلى اموال غیر منقولہ نیک
قیدی زوجه لرینک عہده سنه اجرا ایتدیرلر ایدی ؛ چونکه تابعیت قانونی آنجق ۱۲۸۴ (۱۸۶۹ م)
تاریخده نشر ایدلمش اولسنه مبنی آندن اول قادین ازدواج ایلہ تبدیل تابعیت ایتش عد ایدلزدی .

اجانبه حق استملاک بخش ایدلمی اک اول ۱۲۷۲ (۱۸۵۶ م) سنه سی جمادی الاخری اوائلنده نشر
ایدیلان اصلاحات فرمان عالیسنده موضوع بحث اولدی ؛ آنک بر فقره سندن « و چونکه بیع و فروخت
و تصرف املاک و عقار ماده لر حقنده اولان قوانین کافہ تبعہ ملوکانه حقنده مساوی اولدیغندن ، قوانین
دولت علیه و نظامات ضابطہ بلدیہ اتباع و امتثال ایتک واصل یرو اهلینک ویردکاری تکلیفی ویرمک اوزره
سلطنت سنیم ایلہ دول اجنبیہ بیننده یا بیلہ حق صور تنظیمه دن صوکره اجنبی یه دخی تصرف املاک
قاعدہ سنک اعطاسی . . . دینلمش ایدی .

اشبو اصلاحات فرمان عالیسی بروعد مجرددن عبارت اولسنه رغماً یه دول اجنبیہ نیک آرزو و طلب لرینی تقویه دن
خالی قالمش ایدی . لکن دول معظمه نیک اصرار و تشبثاته قارشو عالی باشا ، حق تملکک بخشندن صوکره اجانبک ممالک
عثمانیہ یه کثرتله هجرت و بوراده تمکن ایدہ جککری و قاپتیولا سیونلر احکامک غایت فاحش اولسنی نظر اعتباره آله رق
پک زیاده مترددانه طاورانیوردی . حتی بوملاحظسات دولایسیله درکه مذکور فرماندن از بر مدت صوکره
یعنی پارس قونفره سنک ۱۹ رجب سنه ۱۲۷۲ (۲۵ مارت سنه ۱۸۵۶ م) تاریخنه مصادف بولنان اجتماعنده

ویردیکی بر بیاننامه ایله قاپتیولاسیونلرک مساوات دول قاعده سنه منافی اولدیغنی درمیان ایتیش و فرانسه باش مرخصی (قوت له فسکی) وانکلتره مرخصی (قوت قلا راندون) و ساردونیا مرخصی (قوت قاورور) طرفندن عالی پاشانک نقطه نظری مدافعه ایدلمش ایسه ده دیگر مرخصلر واز جمله فرانسه ایکنجی مرخصی (بارون دوبورقنه) عدلیه وتنسیقات اداره نك اصلاحدن اول بو امتیازک قالدیریله میه جعی ادعا ایتلرینه مبنی قاپتیولاسیونلرک شمذیلک ابقاسی مناسب اوله جنی تذکر ومع ذلك مؤسسات عدلیه نك تنسیق و اصلاحندن سوکره بونلرک الفا ایدیله جکنه دائر سوز اعلا ایدلدی . ۱۸۶۲ سنه سنده ایسه سفرای اجنبیه باب عالی به مشترکا مراجعت ایدره ک اصلاحات فرمان عالیسنده وعد ایدیلان مساعدنه ک اعطاسنی طلب ایتدیلر ؛ عالی پاشا عهد قدیمه به متعلق بعض شرائط تحتیده اوله رق طلب واقعی ترویجه مهیا بولندیغنی بیان ایدلدی . مشار الیه سفیرلره شو یولده اداره کلام ایتشیری : «اوروپا ایله مناسباته باشلادیغنی زمان دولت علیه نك نه حالده بولندیغنی معلومدر . شرق اسکله لرینک بعضیلرنده عددلری پک آز اولان اجنبی تاجرلر اهالی سائرهدن تمامیه آری اوله رق یاشارلر ، آنجق طویدن آلیش ویرش ایله مشغول اولورلر ایدی ؛ حکومت عثمانیه بواجبیلره اوزمانک احوال اجتماعیه سنجه الزم کورینان بعض معایات بخش و تأمین ایتشیدی . فقط اووقت موجود اولان شیلرک کافه سی دیکشیدی ، یالکز عهد عتیقه قالدی ؛ بوکون حکومتک انتظام اداره سیله قابل توفیق اولیان مدعیاتی حقی کوسترمک ایچون عهد مذکورده ن استفاده ایدیلور . عهد عتیقه نه نظراً تبعه اجنبیه آنجق کندی حکومتلرینک مأمورلرینه تابعدرلر . بوندن شو نتیجه حاصل اولورکه ولایات عثمانیه ده قاچ قونسوسخانه وار ایسه اوقدر ضابطه اداره سی ، اوقدر محکمه بولنور . بو حال دوام ایتدیکی مدتیجه حکومت عثمانیه ، دور معظمه نك سوق ایتک ایتشدیکی طریقه داخل اوله ماز . قوانین محلیه یی طایمیان ، ریلرک تابع اولدقلری تکالیفدن وارسته بولنان ، آنجق کندی محکمه لری نزدنده محاکمه ایدیله بیلان اجانبک متصرف صقیله ممالک عثمانیه ده رلشمیلرینه مساعدنه ایدلمسنی ایتسمک ، ظن ایدرمکه ، معقول وحق بر طلب دکلدیر . بناء علیه اول امرده عهد عتیقه یی تعدیل ایتلدیر . »

عالی پاشانک غایت منطقی اولان بو تکلیفه قارشو سفرای اجنبیه ۱۸۶۳ تاریخده ویردکاری مشترک بر جوابی نوطه ده : اجانبک ، شخص ومالارینی محافظه ایدن تأمیناته خلل کهدن ، قوانین و تکالیف محلیه به تابع طو قتلری ممکن اوله بیله جکنی بیان ایتدیلر و عالی پاشایی تبعه اجنبیه به حق تصرف نه صورتله ونه کی شرائط ایله بخش اوله بیله جکنی ایضاحه دعوت ایدیلر . بونک اوزرینه بر طاقم مخبرات ایله درت سنه ده کدران اولدی و آنجق ۱۸۶۷ سنه سنده ائتلاف و اتفاق حصوله کله بیلدی .

ایشته بو صورتله باب عالی کندی نقطه نظری یعنی املاکه متعلق خصوصاتدن دولای کافه قوانین عثمانیه به رعایت ایتک شرطیله ممالک عثمانیه ده اجانبه حق استملاک بخش ایدیله بیله جکی اساسنی دول اجنبیه به

قبول ایتدیرمش و بناء علی ذلك ۷ صفر سنه ۱۲۸۴ تاریخی قانون نشر ایدیلره ک اجانبک اراضی حجازیه مستثنا اولمق اوزره ممالک عثمانیه ده اموال غیر منقوله تصرف ایدیه بیلرینه مساعدنه کوسترلشدر . مع هذا بو قانون همان موقع اجرا به وضع اولنه مدی و صور تطبیقه سنه متعلق مسائل تالیه حقه ده باب عالی ایله فرانسه بیننده برسنه ده مخبرات جریان ایتدی و نهایت ۹ حزیران سنه ۱۸۶۸ تاریخده صدر اعظم ایله فرانسه سفیری موسیو بوره (Bourée) آره سنده استملاک املاک قانوننه مربوط اولان مشهور پروتوقول امضا ایدلدی و بوبروتوقوله وضع امضا ایدن هر هانکی بر دولت تبعه نك ممالک عثمانیه ده تبعه محلیه کی تصرف املاک حقی حائر اوله جنی تقرر ایدلدی . بو پروتوقولی اسوچ نوروج ۲۲ صفر سنه ۱۲۸۵ (۱۳ حزیران سنه ۱۲۶۸ م) ، باجیقا ۳۴ ربیع الاول سنه ۱۲۸۵ ، انکلتره ۸ ربیع الاخر سنه ۱۲۸۵ ، اوستریا ۲۰ رجب سنه ۱۲۸۵ ، دانیمارقه ۲۸ محرم سنه ۱۲۸۶ ، پروسیا و شمالی آلمانیا حکومتات متحده سی ۲۷ صفر سنه ۱۲۸۶ ، اسپانیا ۱۰ رجب سنه ۱۲۸۶ ، یونانستان ۲۶ ذی الحجه سنه ۱۲۸۹ ، روسیه و ایتالیا ۲۴ محرم سنه ۱۲۹۰ ، فلمنک ۱۴ رجب سنه ۱۲۹۰ حکومتات متحده آمریکا ۲۸ جمادی الاخر سنه ۱۲۹۱ ، پورتیکز ۲۰ ربیع الاول سنه ۱۳۰۰ و ایران ۲۵ شعبان سنه ۱۳۰۰ تاریخلرنده قبول و امضا ایتدیلر . کرچه اسویجره حکومتی بوکا وضع امضا ایتماش ایسه ده ممالک عثمانیه ده بولنان اسویجره لیلر بعضیسی فرانسیز و بعضیسی المان محمیسی صقیله حق استملاکی حائر عدا و لنقه ده دره صربیه ایسه ۹ مارت سنه ۱۸۹۶ تاریخی قونسولسلق مقاوله نامه سنک ۱۶ نجی ماده سی موجبنه بو حق اکتساب ایتشدیر . اما رومانی و قمر طاغ و برده ژاپون ، چین ، و جنوبی آمریکا حکومتاتک قسم اعظمی کی برطاقم حکومتلر هنوز مذکور پروتوقولی امضا ایتماش اولدقلری حسیله آنلرک تبعه سی الا آن ممالک عثمانیه ده اموال غیر منقوله تصرفندن محرومدر .

حق استملاکک شرائط اساسیه سی . — اجانبک حق استملاک نه متبائر بولنان سالف الذکر قانون بروجه آتی بش ماده دن مرکبدر :

برنجی ماده — دول اجنبیه تبعه سی ممالک شاهانه نك اراضی حجازیه دن ماعدا هر طرفنده تبعه دولت علیه مثللو و باشقه بر شرط تحتیده اوله رق مواد آتیه ده مذکور اولدیغنی وجهله آنلرک بو خصوصه تابع اولدقلری نظامات و وظائفه اتباع قیدیله داخل و خارج مدن و قصباته تصرف املاک حقوقندن استفاده ایتمه قبول اولمشلردر . فی الاصل تبعه حضرت شاهانه دن اولوب ده سوکرده ن تبدیل تابعیت ایتیش اولانلر بوقاعده دن مستثنا اولوب آنلر حقه ده قانون مخصوصه نك احکامی جاری اوله جقدر . [۱]

[۱] اجانبک حق استملاک قانوننک برنجی ماده سنندن استثنا اولنان اشخاصک املاک و اراضی سنه مخصوص ۲۵ ربیع الاخر

سنه ۱۳۰۰ و ۲۱ شباط سنه ۱۲۹۸ تاریخی قانون بروجه آتی درج اولنور :
برنجی ماده — عن اصل تبعه عثمانیه دن ایکن تابعیت عثمانیه قانوننک نشرندن مقدم تبدیل تابعیت ایتیش اولوب ده سندات عهدیه موجبنه طرف دولت علیه دن تابعیت اجنبیه به دخوللری قبول و تصدیق اولنش اولانلر و قانون مذکورک

ایکجی ماده — برنجی ماده احکامی اقتضاسنجه داخل وخارج شهورده املاکه متصرف اولان اجنبیلر املاکینه عائد کافه خصوصاتده تبعه دولت علیه نك مکلف اولدقلری شرائطی ایفایه مجبور اوله جقلر و بو مجبوریتک نتیجه مشروعه سی اولق اوزره اولر املاکک تصرف وانتقال و فراغ واستغالی حقنده حالاً جاری اولان واستقبلاً جریان ایده جک اولان قوانین ونظامات ضابطه و بلدییه اتباع ایده جک ، ثانیاً هر نه نام وشکلده اولور ایسه اولسون داخل وخارج شهورده تبعه دولت علیه دن اولان اصحاب املاکک مکلف اولدینی و بوندن بویه اوله بیله جکی کافه تکالیف ورسوماتی ایفا ایلله جک ، ثالثاً امورکه متعلق لافه مخصوصاتده دایر بر دعوی وقوعنده کرک کندولری مدعی و کرک مدعی علیه اولسون و کرک ایکی طرف دخی تبعه اجنبیه دن بولسون دوعریدن طوعری به دولت علیه محکمه لرینه مراجعت ایده جکر در ؛ واجابتک متصرف اولدقلری املاکه عائد خصوصات ذاتلرینه مخصوص صفت تابعیت اصلیه لرینک مداخله سی اولمقسزین ومعاهدات اقتضاسنجه ذاتلرینه واموال منقوله لرینه عائد اولان معافیات محافظه اولمق قیدیه تبعه دولت علیه دن اولان اصحاب املاکک حائز اولدقلری حقوق ومکلف اولدقلری شرائط وتابع اولدقلری اصول اوزره رؤیت اولنه جقدر .

اوچنجی ماده — املاکه متصرف برانجینک افلاسی حالده سندیکاری یعنی تسویه مأمورلری مفلسک عهده تصرفنده اولوب ماهیه نظاماً متصرفک دیوننه قارشولق اولسی مجاز اولان املاکک صاتمسی ایچون حکومت ومحاکم رسمیه دولت علیه مراجعت ایده جکدر ؛ وبرانجی متصرف املاک اولان برانجی علیه عهده املاکدن ماعددا بر ماده دن دولایی دعواسی اولوب ده قیجلا رییه سی حکمیله دعواسنی قزاندینی حالده دخی بو حکم محکوم اولان اجنبینک ایفای دینه صالح اولان املاکک صاتمسنی استلزام ایلده کده کذلک حکومت ومحاکم دولت علیه مراجعت اولنه رق صاتمسی دائر طرفندن ادعا وطلب اولان املاکک دینه بدل

نشدن صوکره احکامنه موافق صورتده تبدیل تابعیت ایدنلر اجانبک استملاکنه دایر ۷ صفر سنه ۸۴ تاریخلی قانونک وظائف مخصوصه تحتنده تعیین الیدیکی کافه حقوقدن مستفید اولورلر . آنجق تابعیتنه کیردکاری دولک ذکر اولنان استملاک قانوننه مربوط مضبوطی اعضا ایتمش اولسی شرطدر .

ایکجی ماده — دولت علیه دن مأذونیت رسمیه استحصال ایتکسزین تبدیل تابعیت ایدوب ده طرف دولت علیه دن تابعیتی اسقاط اولنان اشخاص ممالک عثمانیه ده استملاک وتوارث حقندن محروم اولورلر .

اوچنجی ماده — ماده سابقه ده کوسترلیدیکی اوزره حق استملاک وتوارثدن محروم اوله جق اشخاصک عقارات مملوگی سی تبعه دولت علیه دن بولنان ورثه سی ببنده اموال منقوله سی کی تقسیم اولور ؛ آنجق اراضی قانوننک یوز اونجی و یوز اون برنجی ماده لرلی احکامنجه او مقوله لرک اراضی امیرییه و موقوفه ده حق طاپولری قالماز و تبدیل تابعیتلرندن مقدم دهده لرینه کچمش اولان اراضی امیرییه و موقوفه دخی وارثلرینه انتقال ایتوب محلول اولور ؛ وبومامله اجاری نیل مسقات ومستغلات وقفیه حقنده ده عینیه جاریدر .

دردنجی ماده — عدلیه ومالیه نظارتلری اشو قانونک اجراسنه مأموردر .

صاتمسی نظاماً مجاز اولان صنفدن اولوب اولمادینی اول امرده محاکم وحکومت عثمانیه طرفندن بعدالتحقیق اجرا اولنه جقدر .

دردنجی ماده — برانجی وصیت ایله انتقالی وهبه سی مجاز اولان املاککی هبه ووصیت ایتک صلاحیتنه مالک اولوب هبه ویا وصیت اولنمین ویا خود هبه ووصیت صلاحیتنه قوانین دولت علیه نك مساعی بولنمین املاک متروکه حقنده نظامات موضوعه دولت علیه اجرا اولنه جقدر .

بشنجی ماده — هر برانجی استملاک حقنده اجرایی ایچون طرف دولت علیه دن تکلیف اولنان صورت تنظیمیه منسوب اولدینی دولت طرفندن موافقت اولدینی کی اشو قانوننک احکامی فوائدن استفاده ایلله جکدر . [۱]

تجارت بحریه محکمه سی اعضاسندن

جمال الدین ر هراند آصادور

[۱] استملاک املاک قانوننه مربوط پروتوقوله بروجه آتی درج اولور :

« ممالک دولت عهده متمکن اولنلرک مسکنی دخل وتعرضدن بری اولوب صاحبک رضایی اولمقسزین ویا خود حکومتدن صادر اولمش امر اوزرینه رخصت لازمه یی حائز برضابط ویا خود مأمور بولمقسزین دروننه کسه کیره میه جکی مثللو تبعه اجنبیه نك دخی مسکنی حسب المعاهده اولوجهله دخل وتعرضدن بری اولوب تبعه اجنبیه دن اولان خانه صاحبک منسوب اولدینی قونسولوس ویا آدملری بولندجه ضابطه مأمورلرینک دروننه دخولی جائز اوله میه جقدر . مسکندن مراد ، اقامت اولنان خانه ومشتلاقی یعنی مطبخ وآخور امثال ایله حولی وبغچه وسائر اطرافی چوریلمش ویا خانه به متصل اولان محللر اولوب بونلرک خارجی مسکندن معدود دکدر .

« قونسولوس بولندینی محلدن طقوز ساعتدن اکیسک مسافه ده کاش محللرده مأمورین ضابطه بروجه بالا قونسولوس حاضر اولدجه برانجینک خانه سنه دخول ایده میه جکاری کی قونسولوس دخی حکومت محلییه تأخیر اجرای معاونت ایتکه مجبور اولوب شویله که کندیسنه خبر ویرلیدی آندن بالذات کندوسنک ویا خود وکیلنک حرکت ایده جکی آنه قدر آلتی ساعتدن زیاده وقت مرور ایتجه جک والحاصل حکومتک معاملات لازمه سی هیچ بروقت یکرمی درت ساعتدن زیاده تعطیلی اولنه میه جقدر .

« قونسولوس اقامتکاهندن طقوز ساعت ویا خود طقوز ساعتدن زیاده بعدی اولان محللرده احتیاج مبرم حالده و قتل تصدی وحریق ومسکون خانه ده الیه سلاخله ویا قاپو ویا سائر شی قبره رق ویا کیجه این سرقت ویا مسلماً عصیان وقالب مسکوکات اعمالی جنایاتک تحری واثباتچون حکومت محلییه نك طلبی اوزرینه قرا اختیار مجلسلرینک اوچ نفر اعضاسیله برابر ضابطه مأمورلرینک قونسولوس ویا آدملری بولمقسزین اجنبی خانه سنه کیره لرلی مجاز اوله بیله جکدر ؛ وبو جنایات صاحبی کرک اجنبی تبعه سندن وکرک تبعه عثمانیدن اولسون .

قانون جزائك مواد قائمه ومعدله سی شرحی

(مابعد)

شیمدی کله لم فعل زنانك وسائط ثبوتیه سنه : قانون بو خصوصده اشبوماده نك ایکنجی فقره سنده بیان ولندی اوزره رالی مهر ایدرك قواعد عمومیه بر استثنائشکیل ایلشدر. شویله که بوباده قبوله شایان اوله بیله جك دلائل اوج نوعدر ۱ — جرم مشهود . یعنی فعلی اجرا حالده ایکن طو تلقی ۲ — بر مسلمانك حریمنده بولنق ۳ — فاعلن طرفندن یارلمش مکاتب واوراق یعنی اقرار بالکتابه در . ایشته بونلردن ماعدا دلائل مقبول دکدر . مثلاً قادینک ویا شریک جرمك اقرار جرم ایلدکاربینه دأر شاهد اقامه اولنسه استماع اولماز . اما اقراری متضمن اولان اوراق مظنونلرك خطدستی اولورسه کافی در . طرفرندن امضائش اولوب اولماسی فرق ایتمز . قالدیکه مظنونلرك امضائی محتوی اولان ضبط ورقه لری واستجوابنامه لرد طرفرندن یارلمش اوراق حکمنده در . قانونك بوصورتله دلائلی حصر ایلمی من تزویر وفساد مقصدینه مبتی در . چونکه بوکبی دعوالر چوق کره وهم ووسوسه ثمره واثری اولور واکر قوی ضعیف بلا تفریق هر درلو دلائل واماراتك قبولی یولنه کیرسه چوق کسه لرك بلا موجب ناموسی پایمال ووسوسیه ایلده بر چوق ادانی نائل اغراض و آمال اولور . قانونك بو خصوصده ندرجه ده اصابت ایش اولدیغی بیانه حاجت یوقدر . شوراسی . ذکر ایده که حدزاده شرعاً دخی افراده شهادت مقبول دکدر . مثلاً زید هنده جماع ایلدم دیو اقرارینه برجماعت شهادت ایلسه لر حد لازم اولماز « ابن نجیم . فتاوی »

— تنقید —

بوماده نك صوك فقره سنك ابتد سنده محرر « زوجه ایله برلکده ساکن اولدیغی خانه ده » عبارته سی طی ایتمی . زیرا قادین علی الاطلاق ایستر قوجه سیله ساکن اولدیغی خانه ده ایستر خارجه ده هر زرده اولورسه اولسون ارتکاب ایلدیکی زادن دولای مستحق جزا کورلدیکی حالده ارکیکی یالکز زوجه سی برابر ساکن اولدیغی خانه ده ارتکاب ایلدیکی زادن دولای مسئول طوتوب آخر محل ایچون باشی بوش براقق قاعده مساوات وعدالتی مخلدر . بوندن ماعدا بوفقره نك نهایته « شو قدر وارکه رك قبل الحکم وکرک بعد الحکم زوجه دعوان فراغت ایدرسه حق تعقیب وجزا ساقط اولور » عبارته سی علاوه ایلمی زیرا ارکه ویریلان بومساعده نك سبی — که یوقاریده ایضاح اولندی ایدی — بوراده دخی موجوددر . برده زوجه طرفندن ویریلان شکایتنامه یی هم زوجی همده شریک مهمتی اولان مزیه حقنده دخی معتبر طوتلی برده برنجی فقره ده موجود درت ماه مرور زمانی طلاق وقوعه تخصیص ایتمیوبده ایستر قبل الطلاق ایستر بعد الطلاق فعله مطلع اولدیغی تاریخدن اعتبار ایتمک ده موافق اولور زیرا بو قدر مدتک سکوت ایله کچمسی اوفعلک عدم وقوعه برقرینه تشکیل ایدر ظنده میم .

قالدیکه بزوقاریده زنانك حد ذاتنده بر جرم اجتماعی اولدیغی وعائله نك ناموس و حیثیتی وقایه زوجك وولینك اشتکاسنه تعلیق ایدلمش ایدوکنی تفصیلاً سولشدر . بعض اریله احوال غیر مشروعه قارشوسنده بولنق احتمالی وارددر که هم اشتکا وقوعی متصور اولماز همده آداب عمومیه وسلامت عامیه درجه نهاده سوء تأثیری اولور مثلاً زوجیت نفوذنی سوء استعمال ایله کندی زوجه لری سیله معیشت اتخاذاوی ایستر ایستهمز بویله رفعل مذمومه سوق ایدن ادانی یوق دکدر . ایشته بوکبی احوال استثناء شکایت تعلیق اولنیه رق رأساً مدعی عمومیلر طرفندن تعقیب ایدلمک لازمدر . بناء علیه بو خصوصه دأر بر فقره علاوه سی منابتنسز اولماز .

تذنیب

بوماده ده حق دعوی قادینك زوجه و زوجی اولدیغی حالده ویلینه ویرلشدر . بومبخته ولیدن مقصد ندر ؟ ایوجه تعیین اولنق لازمدر .

فقهده ولی : حق ولایتی حائز اولان یعنی بر شخصك رضای آرانیه رق آنك نفسنده ویا مالنده انفاذ قول ایدن کیسمه یه دیرلر . ولایتك اسباب ثبوتیه سی ایسه درت در . ۱ — قرابت نسبه . ۲ — ملک . ۳ — ولا . ۴ — خلیفه . یا آ کانیات در . بوراده کی ولیدن مراد ایسه یالکز قرابت نسبه سیبیه حق ولایتی حائز اولان کیسه اولمق کرکدر ظن ایدرم . چونکه عثمانی لرك کافه سی حریت شخصیه لرینه مالک اولوب هیچ رییسی دیکرینك تحت تمکننده بولنمادیغندن ملک سینه استناداً هیچ برکیسمه فی زماننا ولایت ادعاسنده بولنه ماز . ورا دخی عین سیه بناء مستند ادعا اوله ماز . دردنچی سیه کلنجه قانون مدعی عمومیلری بو خصوصده رأساً اقامه دعوان منع ایتمش وولایت خاصه ولایت عامه دن اقوی اولدیغی ملاحظه سیله حق دعوانی ولی خاصه حصر ایلشدر . شو حالده بوباده کی ولایت یالکز قرابت نسبه ایله ولی اولنلره انحصار ایتمش اولور . کوزل اما قرابت نسبه ایله ولی اولنلر کیملدر ؟ بونلرك جمله سی بوباده ولی اوله ییلورلری ؟ واوله ییلنلر میاننده رعایت اولنجه حق ترتیب ندر ؟ — ظن عاجزنامه کوره قرابت نسبه ایله ولی اولنلر میاننده دخی آنحق عصبه نسبه یعنی بر شخصه قادین توسطی اولیه رق نسب جهتیله امضالی بولنان زکوره ولی اوله ییلوب ماعداسی اوله ماز . چونکه عرض شخصه متعلق اولوب ماله تعلیق ایلز . آنك ایچون بوباده کی دعوی قادینك نفسنده تنفیذ قوله صالح اولان ولیره عائد اولمسی لازم کلور . مجرد مالنده تنفیذ قوله صلاحیت کافی اوله مامق ایجاب ایدر . بناء علیه عقد نکاح وفسخ نکاح خصوصنده شرعاً ولایت هر کیملره عائد ایسه ایشته آنلر یالکز عرض دعوا سنده ولی صاییلورلر . بونلرده اصول وفروع و اخوان وابن الاخ وعم وابن العم وسائر عصبه نسبه در . میانلرنده کوزه دیله جك ترتیب کلنجه ترتیب الارث حقنده کی مرتبه لرینه رعایت اولنور . یعنی اقرب ملاقرب قاعده سنه توفیقاً ولی اقرب موجود اولدیغی حالده ابعدی دعوی ایده من .

شویله که اصول وفروع واریکن اخوانک و اخوان وارایکن ابن اخ ویا عمک دعوایه صلاحیتی اوله مازظن ایدیورم .

۲۰۲ نجی ماده ذیل : اناه و ذکور دن کنج کیمسه لره حرف اندازلق ایدنلر بر هفته دن بر آیه قدر والاربله صار . قندیلق ایلانلر بر آیدن اوچ قدر حبس اولنورلر . نسا قیافتیله مقر اسوان اولان محالره کیرنلر مجرد بوفعلدن دولای اوچ آیدن بر سنه قدر حبس اولنورلر و بویله تبدیل هیئتله کیرمش اولدقلری یرده قانوناً اشبو جزادن اشد بر جزایی موجب اولان بر جنایت ویاخود بر جنحه یه ابتدار ایش ایه اول فعلک جزاسیله جزالنور .

— شرح —

بوذیل اسکینک تماماً عینی اولوب یالکزه « اناث » کله سی تبدیل مکان ایلشدر . شویله که اسکی ذیلده — ذکور و انانلر کنج کیمسه لره حرف اندازلق ایدنلر . . . یازلمش اولدینی حالد بوراده عباره — اناه و ذکور دن کنج کیمسه لره . . . شکلنه افراغ ایدلشدر . بونک سبی ایه اسکی عباریه کوره ایستر ذکور ایستر اناث متعرض علیک کنج اولمی و بناء علیه یاشی آلمش قادینلر حقنده اجرا ایدیلن حرف اندازلق و صار قندیلغک مجازاتسز قالمسی محذوری رفع ایتمکدن عبارتدر ایشته شمدیکی عباریه کوره اناث حقنده ایستر اختیار ایستر کنج فرق قالمشدر . « کنجک » حالی یالکزه ذکور تخصیص ایدلشدر . بو شکه کوره ده یاشی آلمش ذکور حرف اندازلق و صار قندیلق خارج و بناء علیه مجازاتسز قالور که خاطره برشی کلیورایسه ده بومثلو افعال ایجابنه کوره شتم ویا حقارت ماده سنه تطبیق اولنه جفندن مجازاتسز قالمزلر .

۲۰۳ نجی ماده یه ذیل ثانی : آداب عمومیه یه مغایر اوله رق اجرای فحش مقصدیله آجیق یرلرده ویا خلقک سهولته مطلع اوله ییله جکی باغ و بیچه کی نیم آجیق محالرده قادین اوینادلینی تقدیرده اوینادن اشخاص ایله بالاخیار اوینایان قادینلر بر آیدن بر سنه قدر حبس ایله مجازت اولنورلر .

— شرح —

یوقاریده کی ذیل محضاً مغایر آداب احوالک منعی مقصدیله وضع ایدلمش اولدینی کی بو ذیل دخی کذلک آداب عمومیه یی محافظه ایچون علاوه ایدلشدر . بو ماده نک موضوعی اناطولینک اکثر وقطعات سائر نک بعض محالرنده بر طاقم خوارده بر آرایه کلوبده طاغه ، قیره ، باغ ویاغچه لره الفته کوتوروب مغایر عار و حیا اویناتمه لرینه داتردر . اشبو علاوه کی « اجرای فحش » قیدی بو مثلو احوالی ، سائر احوال دن تفریق ایچون وضع ایدلشدر . بناء علیه تیسارو و بالورده ، دوکون و خصوصی عاله جمعیتلرنده اجرا ایدیلن جوش و جنبشه شمولی یوقدر .

بوندن ماعدا بو فضاحتک مستلزم مجازات اولمی ایچون علمنی اولمی ده شرطدر . شویله که یا قیر یا بر صحرا ، طاغ ، دره کی بتون بتون آجیق ویاخود شهر کنارلرنده بولان تنزه مخصوص باغ ویاغچه لر کی

خلقک سهولته مطلع اوله ییله جکی یاری آجیق یاری قبالی محالرده اجرا ایدلمسی لازمدر . ذاتاً بو جرمک عنصر اصلیمسی تشکیل ایدن بو علنیت کیفیتی در . بو فعلده شخصی تعرض یوقدر . آنجق مشاهدیه سی ناسک حس حیا و حجابی جریحه دار ایدیکی و بعضاً مناسبتسز بر طاقم منازعاتک تولیدینه باعث اولدینی ایچون در که جرم عد اولمشدر . بناء علیه قبالی و کیزلی محالرده بو کی احوالک جست و جوینه قطعاً جواز یوقدر .

خلاصه کلام فحش ایچون اولمادقچه و فحش ایچون اولسه ییله علناً اجرا ایدلمه دجه قاری و قیز اویناتمه دن دولای هیج بر کیمسه تعرض و هیج بر محله دخول جائز اوله ماز . و هر حالده مساکنک تعرضدن مصونیتی قاعده سنی من بعد خاطردن چیقارمه ملیدر « محتسب را درون خانه چه کارست »

۲۰۶ نجی ماده ایل ذیل مقامنه قائم اولان ماده : هرکیم ذکور و انانلر بر شخصی خبر ویا حیل ایل بر طرفه قاجیرلر ایه بوجه آتی مجازات اولور : قاجیریلان شخص ذکور دن اولوبده اون بش یاشی اکال ایتامش ایه فاعلی بر سنه دن اوچ سنه قدر حبس اولنور . بوسورتله قاجیریلان چوجق انانلر اولورسه فاعلی موقتاً کورکه قونیلور و فعل شنیع وقوع بولمش ایه حقنده اون سنه دن اقل اوامق اوزره کورک جزاسی تربیب اولنور . قاجیریلان شخص کرک ذکور دن و کرک انانلر اولون اون بش یاشی اکال ایتامش ایه فاعلی انکی سنه دن اوچ سنه قدر حبس اولور .

قاجیریلان قیز حقنده نکاح وقوع بولوبده قیز دخی اون بش یاشی اکال ایتامش ایه کندوسنک واکال ایلدیکی حالد ولیسنک دعواند فراغتیه حقوق عمومیه دعواسی ساقط اولور . قاجیریلان قادینک قوجه سی وار ایه ویاخود فعل شنیع وقوع بولمش ایه فاعلی بش سنه دن اقل اوامق اوزره کورکه قونیلور .

قاجیریلان شخص نهایت فرق سکن ساعت ظرفنده و برکونا تجاوز وقوع بولقسزین بالاخیار عاله سی طرفندن آلمسی ممکن اولان امنیتلی بر محله براغلمش ایه جزا برماهدن بر سنه قدر حبسدر .

— شرح —

بو ماده نک موضوعی ، قیز اوغلان و قادین قاجیرمق فعلی در .

بو جرم اساساً ایکی جزؤدن مرکبدر . بریسی قاجیرمق فعلی دیکری صید ویا صیر قاجیریلان کیمسه نک ۱- ذکور دن ویا انانلر اولمی ۲- سنک اون بشدن دون ویا افزون بولمی ۳- حقنده فعل شنیع اجرا ایدیلوب ایدلماسی ، جرمک ماهیت اصلیه سنه انضمام ایدن احوال مختلفه در که اصل فعلک جزاسی او احواله کوره تشدید ویا تخفیف اولنور ، شو حالده قاجیرمق نه دیمکدر اول بول اون ایوجه تعریف ایتک لازم . قاجیرمق : بر کیمسه یی ، عاله سی ویا ولی ویا وصی و میریسی ایل برلکده ساکن اولدینی محلدن ، بونلرک حمایه وصیاتندن محروم قاله جنی آخر بر محله نقل ایتمکدر . قاجیرمق قلمک معناسی بوراده بویله در . بناء علیه بویله بر دعوانک ظهورنده الک اول تدقیق اولنه جق جهت قاجیریلان کیمسه نک منسوب اولدینی

عائله و تحت صیانت مودع بولندینی ولی وصی و یا مرینک کیم ایدوکی وزده ساکن اولدقلری وهانکی محلدن هانکی محله نقل ایدلمش اولدینی خصوصی در .

جرمک برنجی جزئی قاجیرمق ایکنجی جزئی ده جبر ویا حیلدر ديدك . مبر و مبرهرايکيسي براولميو ب بشقه بشقه شيلر اولدینی معلومدر . جرمک تشکلی ایچون بو ایکی حاکم برلکده بولمیشی شرط دکلدرد . یعنی قاجیرمق فعلی جبر وزور ایله دکل قاجیریلان کسه نك رضا و موافقیله اولسه دخی قاجیران کسه آنی اغفال ایتیش آلامش اولدینی تقدیرده اشبو ماده موجبجه طبقی جبراً قاجیرمش کی جزا کورر مثلاً بر کسه بر جوجفك تعلم ایلکده اولدینی مدرسه یه وارویده اوچوجغه « نی پدرک کوندردی سنی فلان یرده بکله بور برابر کیده لم ویا خود بر قیزه برابر کیده لمده سکا شویله بر الماس یوزک ویا آلتون بیله زیک وسائر ویره یم دیه او چو جنی ویا قیزی قاجیرمش و هیچ بر درلو جبر و شدت استعمال ایتامش اولسه دخی او کسه بو ماده موجبجه مجازات کورر ، بو احوالده جبر یوقدر اما حیل و اردرک حکمه - بوماده موجبجه - جبره مساوی در . واضع قانون جبر ایله حیل بیننده ترتیب مجازات خصوصنده فرق کوزتمه مشدر .

اما واضع قانون قاجیریلان کسه نك سنی - اون بشدن دون ویا افزون اولمسی - اساس اتخاذ ایدردک ماده یی اولوجهله تصنیف ایتیش و سنی اون بشدن دون اولنلرک قوه تمیزیه لری ناپخته ، خوف و خشیت لری زیاده و قدرت مدافعه دن بی بهره اولدقلری نظر اعتباره آلمش و مغدورک عجز طبعیسی سبب شدت اتخاذ ایدردک ده اآخر جزا ترتیب ایتمشدر .

بوندن ماعدا قاجیریلان قیز اولدینی تقدیرده - قاجیرمق فعلی یا آنک عرضی هتک ویا ازدواجی ایچون و لیسنک کره ا موافقتی استحصالدن بشقه بر مقصده حمل اولنمه یه جنی ملاحظه سیله جزایی برقات ده ا واکر فعل شنیع اجرا ایدلمش ویا قادینک قوجه سی وار ایسه جزایی بر درجه ده ا تشدید ایتمشدر . شوراسنه ایوجه دقت اولمق لازمدرک حقنده فعل شنیع اجرا ایدلمش اولسه دخی قادینک قوجه سی بولمسی تشدید جزا ایچون سبب کافی در . اما قوجه سی اولیان قادینلر حقنده اجرای فعل ایدلمش اولمادجه قاجیرانک جزایی بو درجه ده تشدید اولنمه ماز .

بوماده ده تدقیق مقتضی اولان ایکی فقره ده ا قالدی . بریسی قاجیریلان قیز حقنده نکاح وقوعبولمش اولمسی مسئله سی درک غایت مهمدر ، دیکری قاجیریلان شخصک بالاخیار عائله سنه اعاده سی خصوصی در .

نکاح بخشندن باشیلم : قاجیریلان قیز حقنده نکاح وقوعبولور ایسه اکر مزبور اون بش یا شنی اکمال ایتیش ایسه کندیسنک و اکمال ایتامش ایسه و لیسنک دعواندن فراغتیله حقوق عمومیه دعواسی ساقط اولور دینلمشدر .

واضع قانون بو ماده ده بر طرفدن منفعت عامه یی ، حقوق عمومیه یی و دیکر طرفدن ده منفعت خصوصیه یی ، ایجادعائله یی نظر اعتباره آلمشدر . بو فعل حد ذاتنده آسایش عامه یی فوق العاده اخلاص ایده چکی جهته

حقوق عمومیه مأمورلرینک رأساً تعقیب دعوی صلاحیتی حصر و قصر ایتمه مش ، اشتکای شخصی یه تابع طوتامش ؛ یالکیز شوقدر وارک نکاح وقوعبولمش اولدینی تقدیرده منکوحه نك و صغیره ایسه و لیسنک دعواندن فراغتی حقوق عمومیه دعواسنک سقوطنه سبب اتخاذ ایتمشدر . زیرا دوشونمشدرک زوج حقنده ویریه جک حکمدن ، اجرا ایدیه جک مجازاتدن صوچسنز و مجرد زوجنک قربان جرمی اولان زوجیه برقات ده ا متضرر و مغدور اوله جقدر . دوشونمشدرک هر تقدیر هیچ بر جرمی جزاسز بر اقامق هیئت اجتماعیه نك مقتضیات منافعتدن ایسه ده بو مثللو احوالده مسامحه کارانه طاوورانق عائله نك تأسیسنه و بناء علیه هم زوجنک و همده عائله لردن متشکل اولان جمعیت بشریه نك منفعتنه اوفق و انطباق در .

مطالعات مسرووده دن شوراسی آکلاشیلیورک کرک جبر و کرک حیل ایله بر قیز قاجیرلدیمی ، در حال حقوق عمومیه دعواسی جریان باشلار . مدعی عمومی رأساً تعقیباته ابتدار ایدر . ایستر نکاح وقوعبولمش اولسون ایستر اولسون ، آنجق نکاح وقوعبولمش اولدینی تقدیرده اکر اون بش یا شنی اکمال ایتیش ایسه قیز ، دکل ایسه و لیسی طرفدن دعواندن فراغت ایدلکاری یعنی دعوالری اولدینی اثباتی تحقیقات و محاکمه ده رسماً بیان ایدیلورسه حقوق عمومیه دعواسی ساقط اولور و بر ده ا تجدید اولنمه ماز . مظلونک قاجیریلان قیز ایله نکاحی عقد اولندیغی ادعا و حق اشبو ادعای مثبت اعلام شرعی ابراز ایلسی دعوانک جریاننه و حکمک اعطاسنه مانع اولنمه ماز . زیرا مذهب حنفیه نکاح کره ا دخی منعقد اوله بیله جکندن بوراده واضع قانونک آره دینی یالکیز نکاح دکل برده منکوحه قادینک رضاسی در .

اثباتی تحقیقات و محاکمه نکاح فراغت حقنده قانونک حکمی بودر ، فقط بعد الحکم وقوعبولان نکاح و فراغت خصوصنه بو حکمک شمولی ارمیدر ، یوقیدر ؟

— قانونده بونقطه مسکوت عنه بر اقلیمشدر . فراغت لفظی منحصرأ دعوا یه مصروف اولوب بولفظک حکمه ده صرفی قابل اولنمه یه جفته کوره بعد الحکم زوجنک ویا و لیسنک هر درلوی بیاناتی حکمک اجرایی منع ایدمز و صکره کی نکاحک دخی بوباید بر تأثیری اولماز ظن ایدرم .

بوراده بشقه بر مسئله ده ا وارد خاطر اولور . بو فراغتن زوجنک شریک و معینلری ده مستفید اولورمی ؟ — واضع قانونک مقصده یی بوجه مشروح عائله یی قائلدن قورتارمق و اتحاد عیال قضیه سنی محافظه ایتک اولمسنه و عین فعلدن دولای مهم اولان متعدد کیمسه لردن اک زیاده صوچلی بولنان مظهر عفو و مساعدده اولدینی حالده دیکر لرینک مجازات اولمسی موافق عدالت اولنمه یه جفته کوره آنلرکده استفاده ایلسی طبیعی و عکس حال واضع قانونک مقصدی خلافه اوله ق شیرازه واستراحت عائله یی وقاعده عدالتی اخلاص ایلجه کی بدیهدر . قانونک مقصدینه و عدالت قاعده سنه موافق اولانی بودر .

شیمدی کله لم صوک فقره یه : بوراده قاجیریلان شخص بالاخیار اعاده اولنورسه جزا تخفیف اولنور .

قاجرانلری جریده ثبات و اسرارندن و از کجورمک و قاجیریلانک مغدوریتنی ایلرویه واردیرماق ایچون بو سیاست قانونیه « اطلاقه شایان برتدیردر . بلکه مجرم ، جزاسنک خفیفله جکینی حساب ایدوب چوجنی ، قیزی ، قادینی هر نه ایه اعاده ایدر دیه دوشونلشدیر . شو قدر وارکه بو اعاده بالاخیار قرق سکنر ساعت ظرفنده وقوع بولمق و مغدورهیه قطعاً تجاوز و ایایشیک ایدلماش اولمق و امنیتلی بر محله ترك ایدلک شرطدر . بوشرائطدن بریسی بیلک نقصان اولدینی حالده مجرد اعاده تخفیف جزایی موجب اولماز .

— تنقید —

بومادهیه کوره کرکذ کور کرکانات ، ایسترجوچق ایسترجوچق یاخوداختیارهرکیمی اولورسه اولسون قاجرق فعلی جرم عد اولنه بیلیمک ایچون هر حالده مبر ویا میریه مقارن اولمق شرطدر . یعنی جبرویا حیلک احوالندن هیچ دگل بریسی انضمام ایتزه مجرد قاجرمق فعلی مستلزم مجازات دکدر . شو حالده برکیمسه اون بش یاشنی اکل ایتماش اولان برچوجنی قطعاً جبر و حیلک استعمال ایتکسزین - محضاً آنک طلب وارزوسنه بناء - قاجرمش اولسه مسئول اولماز . حالبوکه بواصلانجوز اولنه جق احوالندن دکدر . زیرا ۱۹۷ نجی ماده شرحنده دخی مفصلاً بیان اولدینی اوزره بوسنده بولنلرک قوه تمیزیه سی ، سننی آلمش تجربه کورمش کیمسه لرک قوه تمیزیه سننه معادل اولیوب هنوز خام و ناتمامدر . بولنلرک اختیار و قرارلری تأمل و ملاحظه نتیجه و نمره سی اولمقندن زیاده او سن سریع الاعتماد مخصوص برطاقم او هام ، خلیا و مخیلات کفام ، قوروتی و دوکو تیسیدر . بناء علیه آنلرک رضا و موافقتلرینی حکم سزطو تمق و ولو من غیر جبر و بدون حیلک قاجرانلری دخی جزالندیرمق لازمدر .

شو حالده ماده قانونیه نک ایلک سطرنده کی - جبرویا حیلک ایلک - عباره سی طی ایدیلوب ایکنجی فقره نک - قاجیریلان شخص کرکذ کوردن و کرکذ انانندن اولسون اون بش یاشنی اکل ایتماش ایه - عباره سنک نهایته نقل و علاوه اولسه مناسب اولوردی . بوسورتله جبر ویا حیلک اون بش یاشنی اکل ایتماشلر حقنده آره نلازده انجق اون بش یاشنی اکل ایتماش اولنلره منحصر قالوردی .

قالدی که بو اون بش یاشنی اکل ایتماش اولنلرک قاجیرلمی ده جبر ویا حیلک ایلک وقوعه کلش ایه بو صورت ایچون جزانک بدرجه ده تشدید اولنه جغه دائر برفقره علاوه ایدلک لازمدر . زیرا منضم اولان حال جبر و شدت بالطبع مستلزم تزیید و تشدید جزادر .

حلب مبعوثی

آرتین

اعلان

دعوی وکیلارندن بک اوغلنده ساتر آغاچنده ۸۶ نومرولی خانده ساکن اسماعیل حق جانبدن بک اوغلی بدایت محکمه سی برنجی - حقوق دائره سنه ۲۶ ایلول سنه ۱۳۲۷ تاریخنده اعطا قلنان عر فحاله بک اوغلنده طاش قشله قارشوسنده کوچک تقسیم بختجه سی مستأجرلری سردار زاده حسن و سلانیلکده مسقات تحریر قومیسونی اعضاسندن معمار نظام الدین و غلامده عمر عابدخاننده اوچنجی قانده قومیسونی نورالدین قوینجه بکاز ذمتنده بر موجب مقاوله مطلوبی اولان یوز الی عدد لیرای عثمانیک مع مصارف محکمه تحصیلی طلب ردعوی اولمقندن ناشی تسطیر و املا قلنان دعوتنامه لر اوزرینه بالاصاله حسن بک بالورود دیگر مدعی علیهمک معمار نظام الدین بک سیار بر حالده اولسی و زرده اقامت ایتدیکنک مجهول بولمسی حسیبله تبلیغات اجرا اولنه مدینی بالخابره سلانیلک بدایت محکمه سندن وارد اولان تذکرده بیلدیرلمسینه و دیگر نورالدین قوینجه بک دخی مقیم ایدوکی خبرویریلان خاندن چیقوب کیتدیکنه دائر خان مذکور اوطه باشیسی ایلک مباشری طرفلرندن ویریلان راپوردن اکلاشدیغنه بناء هر ایکسی حقندنه اعلاناً تبلیغات اجرایی طلب واقع اوزرینه بالتسبب اجرای محاکمه کله جک کانون نائینک اونبرنجی چهارشنبه کونی زوالی ساعت ایکیه قرارلشدیریلوب اولبایده تنظیم و املا قلنان دعوتیه ورقه لری دخی اصول محاکمه حقوقیه قانوننک یکریمی النجی ماده سنک فقره اخیره سی منطوقنجه تبایغ عد اولمق محکمه دیوانخانه سنه تعلیق ایدلش اولدینندن مومی الیه مانک یوم و وقت مذکورده محکمه مذکورده حاضر بولنلری ویاخود مصدق سندله بروکیل کوندیر - ملری لازم کله جکی و عکسی تقدیرده دعوی مذکورنک مدعینک طلبیه غیاباً رؤیت و فصل اولنه جنی بیانیله اعلان کیفیته ابتدار قلندی .

* *

ارضرومک حیب بابا تربیسی قارشوسنده ساکن ایکن ارضروم بدایت محکمه سی تجارت قسمندن افلاسیرینه حکم ایدلش اولان یاقوتیان یروانت و خورین ایلک احراجیان میقائل ذمتلرنده آلاجنی اثبات ویا موقتاً قبول و قید ایتدیرمش اولان الاجه لولرک قانوننامه تجارتک ایکیز اون برنجی و آنی ولی ایدن مادرسی موجبنجه مفلسلر طرفندن تکلیف اولونه جق قونغورداتونک مذاکره سی ایچون شهر کانون اولک اون یدنجی جمعه ایرتسی کونی ساعت التیده محکمه مذکورنک افلاس اوطه سنه کللری اعلان اولونور .

* *

فناز یولده ساکن مراد اوغلی محمد اظانک قاضی قریه سنده کلایسا میداننده مقدما الی الی و الیوم قرق

سکز نومرولی دکانده بقال اصنافدن ایکن محل اقامتی مجهول اولان خرملوبوسدن اون بش بچق لیرای عثمانینک مع مصارف محاکمه تحصیل دایر اسکدار بدایت محکمه سی حقوق دائره سندن استحصال ایلدیکی ۲۱ کانون اول سنه ۳۲۷ تاریخ و بیک الشمس درت عدلی اعلام غیابینک برقطه صورتی محکوم علیهک اسـ اقامتکاهی مجهول بولمق اعتباریه اصول محاکمه حقوقیه قانونک یوز قرق طقوزنجی و بکرمی آلتنجی ماده لری احکامنه توفیقاً محکمه صالحونه تعلیق قلندیکی کبی تبلیغ عد اولمق اوزره کیفیتک غزله رله ده اعلاننه ابتدار قلندی .

قبو طانغی ناحیه سنک پرمه قریه سندن سابق صندوق امینی اغور اوغلی پناو طک کفلاسی اولان یوردان اوغلی استاوری واسپرو وطناشک باندرمه ملکیه محکمه سندن ۱۲ کانون اول سنه ۳۲۲ تاریخ و « ۱ » نومرولی بر قطعه اعلام موجبیه خزینة جليلة محکوم اولدقلری اون اوچبیک درت یوز غروش یکریمی پاره نک تأمین استیفاسی ضمنده تحت حجزه النان مدیون مرقومان یوردان اوغلی استاورینک قریه ده کائن طرفلری شرفاً یول غرباً صوتراکی شمالاً لیورقسططی زوجیه سی الی جنوباً استاوری خانه سیله محدود بر باب قهوه خانه و مغراق نام دیگر خاچقه ده کائن طرفلری شرفاً یورکی اوغلی یانی غرباً پاپاس یانی اوغلی یانی شمالاً عیصان اوغلی دیمتری جنوباً کیریایکی اوغلی طهاری ایله محدود بر دوئم باغی وطناش چبوق اوغلانک مغراق نام دیگر واسیل دره سنده کائن طرفلری شرفاً بیوک دره غرباً کل اوغلی دیمتری شمالاً چبوق اوغلان اوغلی نیقوله بولجیزون اوغلی فوطی ایله محدود ایکی اولک باغی و وارجه ده کائن طرفلری شرفاً کیریاچی نیقواه غرباً چقار اوغلی قسططی شمالاً یینه قسططی جنوباً طودری اوغلی مانول ایله محدود بر دوئم ایکی اولک باغی و پترو کیریاقو اوغلی اسپرونک قریه ده کائن ایکی طرفی یول ارقه سی قبادائی مانول اوغلی یورکی و بر طرفی فوطی کریمه سی الی ایله محدود مع دوکان بر باب خراب خانه ایله قاقچه ده کائن شرفاً غبصان اوغلی دیمتری و قبادائی دیمتری و غرباً قره اوغلی یانی جنوباً غبصان اوغلی دیمتری ایله محدود ایکی دوئم باغنک نصف حصه لری تاریخ اعلاندن اعتباراً اون بش کون صکره بالمزایده فروخت اولنه جفتدن طالب اولانلرک باندرمه قضاسی اجرا دائره سنه مراجعت ایللری اعلان اولنور .

انطالیه قصبه سنک رغبتیه محله سنده مقیم یارم اوغلی حاجی آنتاش مخدرمی استراطینک افلاسنه و مصالح افلاسنه نکرؤیت و تسویه سی ضمنده انطالیه محکمه اعضاسندن خرلبوس افندینک ژوز قومیسر تعیننه و دعوی وکیللرندن محمد جمال و حاجی پاندیلی افندیلرک موقت سننیک تعیننه و مبدأ عجزک کشیده اولنسان پروتستو تاریخی اولان فی ۲۶ مایس سنه ۳۲۷ تاریخ تبلیغک یکریمی درت ساعتی متعاقبی فی ۲۷ مایس سنه ۳۲۷ تاریخی اعتبار اولنسنه و مفلسک مغازه و محزن و اوپه و اشیا زائده بیتیه سنک تمهیرینه و دفاتر تجارتیه سنک بالتختیم جلبنه تنکه بدایت محکمه سی تجارت قسمتیجه فی ۱۳ کانون اول سنه ۳۲۷ تاریخده قرار ویرلدیکی اعلان اولنور .

غلطه ده کورکچیلرده یکی خانده سکز نومرولی اوپه ده ساکن تجاردن ایساق ناعوم افندینک ایتالیایا دولتی تبعه سندن بک اوغلنده آلتنجی دائره بلدییه قارشوسنده ذل خانی اتصالنده اقامت ایتکده ایکن الیوم اقامتکاهی مجهول بولندیکی مدعی طرفدن اخبار ایدیلان یوحیفه آ . آمون علیه ایتدیکی مطالبات دعواسندن طولانی اجرا قلنان محاکمه نتیجه سنده مدعایه یتش بش لیرا طقسان برغروش اوتوز بش پاره ایله مصارف محاکمه مدعی علیه مرقومدن تحصیلنه دائر درسعادت محکمه تجارت برنجی مجلسندن غیباً صادر اولان کانون اول سنه ۳۲۷ تاریخلی وایکی یوز سکسان نومرولو اعلامک صورت مصدقه سی محکوم علیه مرقومک اقامتکاهی مجهول بولندیکی اصول محاکمه تجارت نظامنامه سنک یکرمنجی ماده سنک درنجی فقره سی حکمنه توفیقاً طرفنه تبلیغ اولنش عد اولمق اوزره محکمه دیوانخانه سنه تعلیق اولندیکی کبی اوراق حوادث واسطه سیله دخی اعلان اولنور .

غلطه ده فرمه جیلرده مقیم بویا تاجری غربغور استاوری اوغلی خریستیدی افندی وکیلی غلطه ده انومادارس خاننده مقیم ایتیم مادریدی افندینک فی ۱۵ کانون اول سنه ۳۲۷ تاریخده بک اوغلی بدایت محکمه سی برنجی حقوق دائره سنه اعطا ایلدیکی عرضخانه امانتجی پانده لی خریستیدی افندی ذمتنده استانبولده میدانجقه ده عاشرافندی خانی تحتنده مقیم تجاردن ابراهیم درویش افندینک مطلوبی اولان مبلغک تأمین استیفاسی تحت حجزه الدیردینی ارکوب قضاسی ملحقانندن سناسون قریه سنده معلوم الحدود اراضی و املاک میساننده ایکی قطعه سند خاقانی ایله موکلنک تصرفنده اولان برقطعه بغچه یری ایله بغچه نک ملک اشجارینه موضوع عجزک تصدیقه قرار ویرلدیکندن بحثله عجزک فیکنه قرار ویرلمسی و مصارف محاکمه کاندولرینه تحمیلی طلب و دعوی و مرقومک اقامتکاهی مجهول اولدینی آ کلاشامش ایدوکنندن اعلاناً تبلیغات اجرایی بالتذیب اجرای محاکمه لری کله جک کانون نایک اون آلتنجی بازار ایتسی کونی زوالی ساعت ایکی به قرارلشدیروب اولباده تنظیم و املا قلنان دعوتیه ورقه سی دخی اصول محاکمه حقوقیه قانونک یکریمی آلتنجی ماده سنک فقره اخیره سی منظوقتیجه تبلیغ عد اولمق اوزره محکمه دیوانخانه سنه تعلیق ایدلمش اولدیغندن موسی ایله پانده لی خریستیدی افندینک یوم و وقت مذکورده محکمه مذکورده حاضر بولمسی و یاخود مصدق سندله بروکیل کوندرمسی لازم کله جکی و عکس تقدیرده دعوی مذکورده مدعی وکیلنک طلبیه غیباً رؤیت و فصل اولنه جتی بیانیله اعلان کیفیته ابتدار قلندی .

متوفی پتراکی لونیدی زوجیه سی انطالیه و مخدومی اورپسته نی نام دیگر مینه لاغوس و کریمه سی اوریدیکینک باحجت شرعیه وکیل عمومسی غلطه ده ایلپادی خاننده تجاردن استفانوس نومیدینک درسه دنده بالقی بازارنده نوشهر خاننده طقوز نومرولی اوپه ده مقیم و صرافلقه متوغل ایکن الیوم اقامتکاهلری مجهول

